

河南府志卷之九十六

藝文志二十

詩一 歌辭 附樂府

上古

錄圖文

河圖提輔佐黃帝游於河洛至澤鴻之泉有大鱓魚負圖以授帝蘭葉朱文名曰錄圖○一作

緣圖

澤鴻鳴喙夔夔雉雉與物俱化

陶唐

雉璧書

尚書中候帝堯率羣臣東流于雉刻璧書

天子臣放勳德薄施行不元

元善也

箕山歌

古今樂錄曰許由者古之貞固之士也堯時爲布衣以清節約聞於堯堯乃遣使禪爲天子由

喟然嘆曰匹夫結志固如磐石採山飲河所以養性非以貪天下也堯旣殂落乃作箕山之歌曰

登彼箕山兮瞻望天下

古音虎

山川麗崎萬物還普日月運照

靡不記睹游放其間何所却慮

叶

嘆彼唐堯獨自愁苦勞心

九州憂勤后土謂予欽明傳禪易祖我樂何如蓋不盼顧河

水流兮緣高山

叶

甘瓜施兮葉綿蠻

叶

高林肅兮相錯連居

此之處傲堯君

叶

夏

五子歌五章

夏書太康尸位以逸豫滅厥德黎民咸素乃盤游無度畋于有洛之表有窮后羿因

民弗忍距于河厥弟五人御其母以從後于洛之汭五子咸怨述大禹之戒以作歌

皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民懷乎若朽索之馭六馬爲人上者柰何不敬

訓有之內作色荒外作禽荒甘酒嗜音峻宇雕墻有一于此未或不亡

惟彼陶唐有此冀方今失厥道左傳作行亂其紀綱乃底滅亡明

明我祖萬邦之君有典有則貽厥子孫叶關石和鈞王府則

有荒墜厥緒覆宗絕祀叶養里反

嗚呼曷歸予懷之悲萬姓仇予予將疇依鬱陶乎予心顏厚

有忸怩弗慎厥德雖悔可追

商

桑林禱辭

荀子大畧篇湯之時大旱七年剪髮斷爪以身爲犧牲禱于桑林之野以六事自責曰何

不雨至此極也

言未已大雨

政不節與使民疾與宮室崇與婦謁盛與苞直行與讒夫興

與

節叶卽盛叶歲祝山川穀之祝曰

採薇歌

更記武王己平殷亂天下宗周而伯夷叔齊耻之義不食周粟隱於首陽山採薇而食之及餓

且死作歌

其辭曰

采西山兮採其薇矣以暴易暴兮不知其非矣神農虞夏

怒而歿兮我適安歸矣吁嗟徂兮命之衰矣

肩

神鳳操

竹書成王十八年春正月王如洛邑定則鳳皇見古今樂錄成王時鳳皇翔舞成王作此歌于

海作儀

鳳歌

鳳凰翔兮於

玉海云一作舞

紫庭予何德兮以感靈賴先人兮恩澤

臻于胥樂兮民以寧

初學記引此宋符瑞記亦載此臻作臻

秦

祠洛水歌

一作秦始皇歌古今樂錄秦始皇祠洛水與羣臣作歌

洛陽之水其色蒼蒼祠祭大澤倏忽南臨

一作征征古轉入湯

洛濱醴

禱色連三光

漢

五噫歌

後漢書梁鴻東出關過京師作五噫之歌肅宗聞而悲之求鴻不得

陟彼北芒兮噫顧瞻一作覽帝京兮噫宮闕崔巍兮噫民之劬

勞兮噫遠遼未央兮噫

郊祀靈芝歌

漢書班固頌漢論  
功歌詩靈芝歌曰

因露寢兮產靈芝之象三德兮瑞應一作應瑞圖延壽命兮光此都

配上帝兮象太微參日月兮揚光輝

招商歌

拾遺記靈帝初平三年遊於西園乘船遊漾選  
玉色宮人執篙楫奏招商之曲以涼風互見

古歌

風起兮日照渠青荷晝覆葉夜舒惟日不足樂有餘清絲

流管歌玉鳧

曲名千年萬歲嘉難踰

董嬌嬌古今樂錄

宋子侯

洛陽城東踏桃李生路傍花花自相對葉葉自相當春風東  
北起花葉正低昂不知誰家子提籠行採桑纖手折其枝花  
落何飄颺請謝彼姝子何爲見損傷高秋八月白露變爲  
霜終年會飄墮安得久馨香秋時自零落春月復芬芳何時  
盛年去懽愛藝文作好永相忘吾欲竟此曲此曲愁人腸歸來酌  
美酒挾瑟上高堂

鴈門太守行

古今樂錄王僧虔技錄云鴈門太守行歌古洛陽令一篇

孝和帝在時洛陽令王君本自益州廣漢蜀民少行宦學通  
五經論一明難法令歷世衣冠從溫補洛陽令治行致賢擁

護百姓子養萬民

二外行猛政內懷慈仁文武備具料民富

貧移惡子姓

宋書有各五二字

篇著里端

三解

傷殺人比伍同罪對門

禁鑿矛八尺捕輕薄少年加笞決罪詣馬市論

四解

無妄發賦

念在理冤赦吏正獄不得苛煩財用錢三十買繩禮

一作竿

理

五解賢哉賢哉我縣王君臣吏衣冠奉事皇帝功曹主簿皆得

其人

六解

臨部居職不敢行恩清身苦體夙夜勞動治有能名

遠近所聞

七解

天年不遂早就奄昏爲君作祠安陽亭西欲令

後世莫不稱傳

八解

魏

煌煌京洛行

文帝

天天園桃無子空長虛美難假偏輪不行



淮陰五刑鳥盡弓藏保身全名獨有子房大憤不收褒衣無帶多言寡誠祇令事敗

蘇秦之說六國以亡傾側賣主車裂固當賢矣陳軫忠而有謀楚懷不從禍卒不救

禍夫吳起智小謀大西河何健伏尸何劣

嗟彼郭生古之雅人智矣燕昭可謂得臣我我仲連齊之高

士北辭千金東蹈滄海

文帝集

名都篇

歌錄名都美女白馬並齊瑟行也皆以首句名篇

曹植

名都多妖女京洛出少年寶劍直千金被服麗且鮮鬪雞東

郊道走馬長楸間馳騁未能半雙龍過我前攬弓捷鳴鏑長

驪上南山左挽因右發一縱兩禽連餘巧未及展仰手接飛  
鳶觀者咸稱善衆工歸我妍歸來宴平樂美酒斗十千膾鯉  
鵬胎鰕炮鼈炙熊蹯鳴儔嘯匹侶列坐竟長筵連翩擊鞠壤  
巧捷惟萬端白日西南馳光景不可攀雲霓遠城邑清晨復

來還

子建集

晉

長安有狹邪行

陸機

伊洛有岐路岐路交朱輪輕蓋承華景騰步躡飛塵鳴玉豈  
樸儒憑軾皆俊民烈心厲勁秋麗服鮮芳春余本倦游客豪  
彥多舊親傾蓋承芳訛欲鳴當及晨守一不足矜岐路良可

遵規行無曠迹矩步豈逮人投足緒已爾四時不必循將遂  
殊途軌要子同歸津

宋

丁督護歌

樂府作  
王金珠孝武帝

洛陽數千里孟津流無極辛苦戎馬間別易會難得  
黃河流無極洛陽數千里坎軻戎旅間何由見歡子

代陳思王京洛篇

玉臺作煌  
煌京洛行

鮑照

鳳樓十二重四戶八綺窻繡梅金蓮花桂柱玉盤龍珠簾無  
隔露羅幌不勝風寶帳三千所爲爾一朝容揚芬紫煙上垂  
綵綵雲中春吹回白日霜歌落塞鴻但懼秋塵起盛愛逐衰

蓬坐視青苔滿臥對錦筵空琴瑟縱橫散舞衣不復縫古來  
共歇薄君意豈獨濃唯見雙黃鵠千里一相從

齊

金谷聚

謝朓

渠梳送佳人玉杯邀上轡車馬一東西別後思今夕

梁

金洛篇

樂府作煌煌京洛行列鮑照後  
逸作者之名或以爲鮑詩非也

而簡文帝

南遊偃師縣斜上灞陵東回瞻龍首堞遙望德陽宮重門遠

照耀天閣復穹窿城傍疑複道樹裏識松風黃河八落水丹

泉繞射熊夜輪懸素魄朝光蕩碧空秋霜暎驅鴈春雨暮成

虹曲陽造甲第高安還禁  
中劉蒼歸作相寶憲出臨戎此時  
車馬合茲晨冠蓋通誰知  
兩京盛歡宴遂無窮

洛陽道

簡文帝

洛陽佳麗所大道滿春光  
遊童初挾彈蠶妾始提筐  
金鞍照龍馬羅袂拂春桑  
玉車爭晚入潘果溢高箱

洛陽道

元帝

洛陽開大道城北達城西  
青槐隨幔拂綠柳逐風低  
玉珂鳴戰馬金爪鬪場鷄  
桑萎日行暮多逢秦氏妻

洛陽道

沈約

洛陽大道中佳麗實無比  
燕裙傍日開趙帶隨風靡  
領上蒲

河南府志 卷之六十一  
菊繡腰中合歡綺佳人殊未來薄暮空徙倚

陳

煌煌京洛行

張正見

千門儼西漢萬戶擅東京凌雲霞上起鸚鵡月中生風塵暮  
不息簫笳夜恒鳴唯當賣藥處不入長安城

北魏

王子喬

高允

王少卿王少卿起升飛龍翔天庭遺儀景雲漢翮光驚電  
忽若浮騎日月從列星跨騰八廓踰杳冥尋元氣出天門  
覽有無究道根

河南府志卷之九十七

藝文志二十一

詩二

誦諺

漢

郭氏諺

後漢書拾遺記郭况閣下懸明珠  
晝視如星夜視如月里中語曰

洛陽多財郭氏室夜日晝星富無匹

董宣歌

後漢書董宣字少平光武時爲  
洛陽令京師號爲卧虎歌之云

枹鼓不鳴董少平

鮑司隸歌

列異傳鮑宣字子都宣子永永子昱三  
世皆爲司隸而乘一驄馬京師人歌之

鮑氏驄三人司隸再入公馬雖瘦行步工

洛陽令歌

長沙耆舊傳祝良字石卿爲洛陽令歲旱天子祈雨不得良乃暴身階庭告誠引罪甘雨

登降人爲之歌

天久不雨烝人失所天王白出祝令特苦精符感應滂沱下

雨

城中謠

後漢書馬后履行節儉馬廖慮以美業難終上疏長樂宮以勸成德政引長安語云云謂斯言

如戲有切事實

城中好高髻四方高一尺城中好廣眉四方且半額城中好

大袖四方全匹帛

順帝末京都童謠

謂梁冀專國幾李固于獄而胡廣等封侯也互見祥異

直如弦死道邊曲如鉤反封侯



京都謠

後

漢書黃琬傳舊制光祿三四省郎以高功九

事得舉而貧約守志者以窮迫見遺京師爲之謠曰

欲得不能光祿茂才

能乃來切

五門

三輔決錄五門在河南西四十里澗穀洛三水之交傳聞馬氏兄弟五人共居此地作五門客舍因

以爲名主養猪賣豚民爲之語曰

苑中三公館下二卿五門嚶嚶但聞豚聲

桓帝初京

都童謠見祥異註

游平賣印自有平不辟豪賢及大姓

小麥童謠

小麥青青大麥 桓誰當穫者婦與姑丈夫何在西擊胡吏買

馬君具車請爲諸君鼓隴胡

鼓隴胡者不敢公言私咽語也餘見祥異註

城上烏童謠

後漢書五行志

城上烏尾畢浦公爲吏子爲徒一徒死百乘車車班班入河  
間河間媿女工數錢以錢爲室金爲堂石上慊慊春黃梁梁  
下有懸鼓我欲擊之丞相怒

太學中謠

袁宏後漢記

天下忠誠竇游平

大將軍槐里侯扶風平陵竇武

天下義府陳仲舉

太傅高陽顯侯

汝南平輿陳蕃

天下德宏劉仲承

侍中河間樂成劉淑

右三君

一云不畏強禦陳仲舉九卿直言有陳蕃

天下模楷李元禮

少傅潁川襄城李膺

天下英秀王叔茂

司空山陽高平王暢

下良輔杜周甫

太僕潁川陽城杜密

天下冰凌朱季陵

司隸枝原沛國朱寓

天下

忠貞魏少英

尚書會稽上虞魏朗

天下好交荀伯條

沛國潁陰荀翌

天下稽古

劉伯祖

大司農博陵安平劉祐

天下才英趙仲經

太常蜀郡成都趙典

右八俊

天下和雍郭林宗

有道太原介休郭泰

天下慕恃夏子治

太常陳留囿夏馥

天

下英藩尹伯元

尚書令河南鞏尹勳

天下清苦羊嗣祖

河南尹泰山平陽羊陟

天

下珪金劉叔林

議郎東郡廢劉儒

天下雅志蔡孟喜

冀州刺史陳國項蔡衍

天

下卧虎巴恭祖

潁川太守渤海東城巴肅

天下通儒宗孝初

議郎南陽安衆宗慈

右八顧

後漢書無劉儒有范滂

海內貴珍陳子鱗

御史中丞汝南召陵陳翔

海內忠烈張元節

衛尉山陽高平張儉

海內謇諤范孟博

大尉掾汝南  
細陽范滂

海內通士檀文友

蒙令山陽  
高平檀敷

海內才珍孔世元

洛陽令魯國孔昱  
後漢書云字元世

海內彬彬范仲真

泰山  
太守

渤海重  
合范康

海內珍好岑公孝

太尉掾南陽  
棘陽岑暉

海內所稱劉景升

南

將軍荆州牧武城  
侯山陽高平劉表

右八及

後漢書無范  
滂有翟超

海內賢智王伯義

少府東萊曲城王  
商後漢書作王章

海內修整蕃嘉景

郎中  
魯國

蕃海內貞良秦平王

北海相陳留  
己吾秦周

海內珍奇胡母季皮

侍御  
史秦

山奉高  
胡母班

海內光光劉子相

太尉掾潁  
川陰劉翊

海內依怙王文祖

冀州  
刺史

東平壽  
張王考

海內嚴恪張孟卓

陳留相東平  
壽張張邈

海內清明度博平

荆

刺史山陽  
湖陸度尚

右八厨

續漢書無劉翊傳劉翊

京兆謠

東觀漢記李熒拜京兆詔發西園錢熒上封事遂止不發吏民愛敬乃爲此謠

我府君道教舉恩如春威如虎剛不吐柔不茹愛如母訓如父

桓帝末京都童謠

風俗通

茅田一頃中有井四方纖纖不可整嚼復嚼今年尚可後年  
說

桓帝末京都童謠

後漢書五行志

白蓋小車何延延河間來合諧河間來合諧

桓靈時童謠

續漢書桓帝之世更相濫舉人爲之謠

卷之七 藝文志

詩一

舉秀才不知書舉孝廉父別居寒素清白濁如泥高第良將

怯如鼯

譚苑醜醜泥音涅或音匿鼯音蔑或音密晉書作怯如鷄蓋不得其音而改之一本無末二句

靈帝末京都童謠

後漢書五行志中平六年少帝登殿至尊獻帝未有爵號爲中常侍段珪

等所執公卿百官皆隨其後到河上乃得來還此爲非侯非王上北邙者也

侯非侯王非王千乘萬騎上北邙

獻帝初京都童謠

後漢書五行志

千里草何青青十日卜不得生

董逃歌

後漢書靈帝中平中京都歌風俗通卓以董逃之歌主爲已發大禁絕之楊孚董卓傳卓改

董逃爲董安

承樂世董逃遊四郭董逃蒙天恩董逃帶金紫董逃行謝恩

董逃整車騎董逃垂欲發董逃與中辭董逃出西門董逃瞻  
宮殿董逃望京城董逃日夜絕董逃心摧傷董逃

晉

洛中諺四首

洛中雅雅有三嘏

世說劉粹字純嘏宏字終嘏漢字冲嘏是親兄弟王安豐甥並是王安豐女婿

洛中錚錚馮惠卿

惠卿名蒸

馮才清李才明純粹邢

孫與邢喬俱司徒李孕外孫及孕子順並知名時又有此稱

洛中英英荀道明

晉書荀闞字道明有名稱京都爲之語

慶孫越石諺

晉書劉輿字慶孫雋朗有才局與弟琨越石並尚書郭奕甥各著當時京都爲之語

洛中奕奕慶孫越石

元康中京洛童謠二首

按賈后傳有此謠云南風烈烈吹黃沙遙望魯國鬱差戕戕前至

三月滅汝家與此所載不同其後賈謚既誅后亦廢死  
宋書五行志是時愍懷頗失衆望卒以廢黜不得其死焉

得其死焉

南風起兮吹白沙遙望魯國鬱差戕千歲髑髏生齒牙

城東馬子莫隴响比至來年纏汝髮

愍懷太子傳紀此謠云東宮馬子莫龔空前至

臘月纏汝髮

元康中童謠

晉書五行志元康中天下商農避著大障日時童謠云云及趙王倫篡位其時實也

焉

屠蘇鄴日覆兩耳當見瞎兒作天子

貂不足

晉書趙王倫僭位諸黨皆登卿相並列大封其餘同謀者咸超階越序不可勝紀至於奴卒厮



役亦如爵位每朝會  
貂蟬盈坐時人諺曰

貂不足狗尾續

元康中洛中童謠

晉書五行志趙王倫既篡洛中童謠云云數月而齊王成都河間義兵同

會誅倫

獸從北來鼻頭汗龍從南來登城看水從西來河灌灌

著布謠

晉書倫篡位齊王冏起義兵誅之拜大司馬加九錫政皆決焉而恣用羣小不復朝覲時有謠

云云遂爲長沙王所誅

著布袍腹爲齊持服

洛下謠

晉書三王舉義長沙王又率國應之後見冏專權奉天子攻冏斬之河間王顥與成都王穎同

伐京師詔以又爲大都督以拒顥相持數月東海王越慮事不濟潛收又送金墉城密告張方方遣兵就

金墉收又炙殺之初又執權之始洛下謠云  
云以正月二十五日廢後二日死如謠言

草木萌芽殺長沙

懷帝永嘉初童謠

晉書五行志司馬越還洛時童謠也按列傳越既與荀晞構怨尋詔越爲

丞相領兖州牧督兖豫司冀幽并六州越辭丞相不受自許遷于鄆城移屯濮陽又遷于滎陽後白滎陽還洛

洛中大鼠長尺二若不早去天

宋書大狗至

又

晉書五行志荀晞將破汲桑時有此謠越由是惡晞

傳其兖州曠雖遂構焉按列傳東海王越字元超永嘉初出鎮許昌自許昌率荀晞及冀州刺史丁邵討汲桑破之越還于許昌史潘滔說之曰兖州天下樞要公宜自牧乃轉荀晞爲青州刺史由是與晞有隙

兄弟大洛度上桑打樵爲苟作

北魏

市諺

水經注

伊洛鯉魴

詩疏作洛鯉伊魴

貴於牛羊

世人歌

伽藍記

洛陽城東上高里殷之頑民昔所止今日百姓造瓮子人皆

棄去住者耻

瑤光寺諺

伽藍記

洛陽男兒急作髻瑤光寺尼奪作婿

咸陽王歌

北史宣武景明中咸陽王禧謀逆伏誅後宮人爲之歌

可憐咸陽王奈何作事誤金牀玉几不能眠夜踏霜與露洛

水湛湛彌岸長行人那得渡

孝明時洛下謠

北史謂拓拔賀拔也

銅拔打鐵拔元家歲將末

洛中謠二首

北史朱彥伯節閔帝時封博陵郡王位侍中及張勸等掩襲朱世龍齊神武執

彥伯與世隆同斬於閭闔門外懸首解斯椿門樹先是洛中謠云

三月末四月初揚灰簸土覓真珠

頭去項腳根齊驅上樹不須梯

東魏武定中童謠

隋書五行志高者齊姓也澄文襄各五年神武崩摧折之應七年文襄爲

盜所害

百尺高竿摧折水底然燈澄滅

東魏末童謠

北史齊紀後魏末文宣未受禪時有童謠按藁然兩頭於文爲高河邊殺齧爲水邊

羊指帝名也

一束藁兩頭然河邊殺齧飛上天

袁祖謠

北史祖瑩與陳郡袁翻齊各秀出時人爲之語曰

京師楚楚袁與祖洛陽翩翩祖與袁

梁

洛陽歌

南史大通初武帝遣驍勇將軍陳慶之送魏北海王元顥還北主魏轉戰而前連破魏軍顥入

洛陽宮御前殿改元大赦于時上黨王元天穆來攻慶之又大破之慶之麾下悉著白袍所向披靡先是

洛陽人

歌云

名軍大將莫自勞千兵萬馬被白袍

隋

煬帝大業中童謠

北史

修治洛陽還晉家

桃李子鴻鵠遶陽山宛轉花林裏莫浪語誰遺許

唐

洛中人語

汝南袁德師故給事高之子嘗於東都買得婁師德故園地起書樓洛人語曰

昔婁師德園今袁德師樓

鯉魚兒謠

中宗景龍中民謠云云後譙王從均州入都作亂敗走投洛川死

可憐聖善寺身著綠毛衣牽來河裏飲蹋殺鯉魚兒

中宗景龍中嘲宰相歌

洛下霖雨百餘日宰相不能調陰陽乃閉坊市北門卒無效

溢更甚人  
歌云云

禮賢不辭開東閣變理惟能閉北門

洛陽五鳳樓中歌

懿宗咸通四年秋洛中大水先是皇城守關者白晝聞五鳳樓中有人歌

云云時鄭相國涯留守洛師謂關者為妖妄經月餘有遺燭燼天津橋者燒其半未幾水災魏王與月波

二堤俱壞乃  
明關者之言

天津橋畔火光起魏王堤上看洪水

3

4

5

6

7

8

9

10

11

12

13

14

15

16

17

18

19

20

21

22

23



南唐書卷之九十八

藝文志二十二

詩三 五古

漢

古詩十九首 選二首

無名氏

青青陵上栢磊磊澗中石人生天地間忽如遠行客斗酒相  
娛樂聊厚不爲薄驅車策駑馬遊戲宛與洛洛中何鬱鬱冠  
帶自相索長衢羅夾巷王侯多第宅兩宮遙相望雙闕百餘  
尺極宴娛心意戚戚何所迫

驅車上東門遙望郭北墓白楊何蕭蕭松栢夾廣路下有陳

死人杳杳卽長暮潛寐黃泉下千載永不寤浩浩陰陽移年  
命如朝露人生忽如寄壽無金石固萬歲更相送賢聖莫能  
度服食求神仙多爲藥所誤不如飲美酒被服紈與素

文選

三國魏

孟津

魏文帝

良辰啟初節高會構歡娛通天拂景雲俯仰四遊衢羽爵浮  
象樽珍饈盈豆區清歌發妙曲樂正奏笙簧丁曜靈忽西邁  
燭繼望舒翊日浮黃河長驅旋鄴都

本集

孟津北望

魏文帝

遙遙山上亭皎皎雲間星遠望使心懷遊子戀所生驅車出

城凱風吹長棘天天枝葉何黃鳥飛相追咬

咬弄音聲竚立望西河泣下沾羅纓同

贈白馬玉彪

曹植

藹帝承明廬逝將歸舊疆清晨發皇邑日夕過首陽伊洛廣  
且深欲濟川無梁汎舟越洪濤怨彼東路阻顧瞻戀城闕引  
領情內傷大谷何寥廓山樹鬱蒼蒼霖雨霑我塗流潦浩縱  
橫中道絕無軌改轍登高岡脩坂造雲日八馬元以黃陳思王集

送應氏詩二首之一

曹植

步登北邙阪遙望洛陽山洛陽何寂寞宮殿土盡燒焚垣墻皆  
頓擗荆棘上參天不見舊耆老但覩新少年側足無行徑荒

晴不復田游子久不歸不識陌與阡中野何蕭條千里無人  
煙念我平常居氣結不能言

同上

詠懷

選四首

阮籍

步出上東門北望首陽岑下有采薇士上有嘉樹林良辰在  
何許凝霜霑衣襟寒風振山岡元雲起重陰鳴鴈飛南征鴟  
鳩發哀音素質游商聲悽愴傷我心

文選

朝出上東門遙望首陽基松柏鬱森沈鸞鷖相與嬉逍遙九

曲間徘徊欲何之念我平居時鬱然思妖

嗣宗集

王子十五年遊衍伊洛濱朱顏茂春華辨心懷清真接見

到公舉手謝時人輕蕩易恍惚飄飄弃其志  
飛飛鳴且翔

北臨乾昧谿西行遊少任遙顧望天津駢蕩藥我心綺靡存  
亡門一遊不再尋儻遇晨風烏飛駕出南林澗澗瑤光中忽  
忽肆荒淫休息晏清都超世又誰禁

同上

北邙客舍

劉伶

泱泱望舒隱鸞黓元夜陰寒雞思天曙擁翅吹長音蚊蚋歸  
澧草栢葉散蕭林陳醴發悴顏色愉暢真心緼被終不曉斯  
歎信難任何以除斯歎付之瑟與琴長笛響中夕聞此消胸

襟

文選

晉

赴洛二首

陸機

希世無高符，營道無烈心。靖端肅有命，假楫越江潭。親友贈  
予邁，揮淚廣川陰。撫膺解攜手，永嘆結遺音。無迹有所匿，寂  
寞聲必沉。肆目眇不及，緬然若雙潛。南望泣元渚，北邁涉長  
林。谷風拂脩薄，油雲翳高岑。臺臺孤獸騁，嚶嚶思鳥吟。感物  
戀堂室，離思一何深。佇立慨我歎，寤寐涕盈衿。惜無懷歸志，  
辛苦誰爲心。

羈旅遠遊宦，託身承華側。撫劔遵銅輦，振纓盡祇肅。歲月一  
何易，寒暑忽已革。載離多悲心，感物情悽惻。慷慨遺安豫，永  
嘆廢寢食。思樂樂難誘，日歸歸未克。憂苦欲何爲，纏綿胸與

飛翼  
選

赴洛道中 二首

陸機

總轡登長路，嗚咽辭密親。  
借問子何之，世網嬰我身。  
永歎遵北渚，遺思結南津。  
行行遂已遠，野途曠無人。  
山澤紛紆餘，林薄杳阡。  
眠虎嘯深谷，底雞鳴高樹。  
巔哀風中夜流，孤獸更我前。  
悲情觸物感，沉思鬱纏綿。  
佇立望故鄉，顧影悽自憐。

遠遊越山川，山川修且廣。  
振策陟崇邱，安轡遵平莽。  
夕息抱影寐，朝徂銜思往。  
頓轡倚嵩巖，側聽悲風響。  
清露墜素輝，明月一何朗。  
撫几不能寐，振衣獨長想。

同上

尸鄉亭

陸機

東遊觀鞏洛逍遙邱墓間秋草漫長柯寒水入雲烟發軔有  
夙宴息駕無愚賢

二陸集

金谷集作詩

潘岳

王生和鬲實石子鎮海沂親友各言邁中心懷有違何以敘  
離思携手游郊畿朝發晉京陽夕次金谷湄迴谿縈曲阻峻  
阪路透迤綠池泛淡淡青柳何依依檻泉龍鱗澗激波連珠  
揮前庭樹沙棠後園植烏桺靈囿繁石榴茂林列芳梨飲至  
臨華沼遷坐登隆坻元醴染朱顏但愬杯行遲揚桴撫靈鼓  
簫管清且悲春榮誰不慕歲寒良獨希投分寄石友幽首同



春秋代遷逝四運紛可喜  
寵辱易不驚戀本難爲思  
我來冰未泮時暑忽隆熾  
感此還期淹嘆彼年往駛  
登城望郊甸遊目歷朝寺  
小國寡民務終日寂無事  
白水過庭激綠槐夾門植  
信美非吾土祇攬懷歸志  
眷然顧鞏洛山川邈離異  
願言旋舊鄉畏此簡書息  
祇奉社稷守恪居處職司

文選

七哀詩

張載

北邙何壘壘高陵有四五  
借問誰家墳皆云漢世主  
恭文遙相望原陵鬱膺膺  
季葉喪亂起賊盜如豺虎  
毀壞過一杯便房啓幽戶  
珠柙離玉體珍寶見剽虜  
圍寢化爲墟周墉無遺

堵蒙籠荆棘生蹊徑登童豎狐兔窟其中蕪穢不復掃頽隴  
並墾發萌隸營農圃昔爲萬乘君今爲邱山土感彼雍門言  
悽愴哀征古

文選

鞏道迎駕

潘尼

南山鬱岑崑洛川迅且急青松蔭修嶺綠縈披廣隰朝日順  
長途夕暮無所集歸雲乘憶浮淒風等帷入道逢深識士舉  
首對吾揖世故尚未夷嶠函方險澁狐狸夾兩轅豺狼當路  
立翔鳳嬰籠檻騏驥見維繫俎豆昔嘗聞軍旅素未習且少  
停君駕徐待干戈戢

文選

服成百草敷英蕤聊爲三日遊方駕結龍旂廟廟多豪俊都  
邑有艷姿朱軒蔭蘭臯翠幙映洛湄臨崖濯素手涉水舉輕  
衣沈鈎出比日舉弋落雙飛羽觴乘波進素俎隨流歸同上

從幸洛水餞王公歸國

王浚

聖主應期運至德敷藝倫神道重大教元化被無垠欽若崇  
古制建侯屏四隣皇輿廻羽蓋高會洛水濱臨川講妙藝縱  
酒釣潛鱗八音以迭奏蘭羞備時珍古人亦有言爲國不思  
貧與蒙廟庭施幸得側天鈎羣僚荷恩澤朱顏感獻春賦詩  
盡下情至感暢人神長流無舍逝白日入西津奉辭慕華輦

侍衛路無因馳情繫帷幄乃心戀軌塵

補文  
選

南北朝

北使洛

宋顏延之

改服飭徒旅首路踟險艱振楫發吳洲秣馬陵楚山塗出梁  
宋郊道由周鄭間前登陽城路口夕望三川在昔輟期運經  
始闢聖賢伊瀲絕津濟臺館無尺椽宮陛多巢穴城闕生雲  
煙王猷升八表嗟行方暮年陰風振涼野飛雲翳窮天臨塗  
未及引置酒慄無言隱憫徒御悲威遲良馬煩遊役去芳時  
歸來屢徂譽蓬心旣已矣飛薄殊亦然

文選

和徐都曹出新亭渚

北齊

謝

賦

漢皇州結軫青郊路迴瞰蒼江流日華川

上勤風光草際浮桃李成蹊徑桑榆陰道周東都已倣載言

歸望綠疇宣城集

別詩

梁范雲

洛陽城東西長作經時別昔去雪如花今來花似雪續文選

石崇金谷妓

梁庾肩吾

蘭堂上客至綺席清絃撫自作明君辭還教綠珠舞同上

凌雲臺

梁謝舉

綺甍懸桂棟隱曖傍喬柯勢高凌玉井臨迴度金波易覺涼  
風至早飛秋鴈過高臺相思曲望遠騷人歌幸屬此迢遞知

承雲霧多

詩紀

鞏洛上東門

梁何遜

鞏洛上東門薄暮川流側  
渾渾車馬道行人不相識  
日夕棲鳥遠浮雲起新色  
寸心空延佇對面何由卽  
飛輪倘易去易

去因風力

水部集

入隋侍宴應詔

南史後主從隋文帝東巡登卬山賦詩

陳後主

日月光天德山河壯帝居  
太平無以報願上東封書

同上

從駕幸金墉城

北魏溫子昇

茲城實佳麗飛甍自相竝  
膠葛擁行風岩巖闕流景  
御溝

清洛馳道通丹屏湛淡水  
成文參差樹交影長門久  
已閉

宮一何靜細草緣玉階高枝蔭桐井微微夕渚暗蕭蕭暮風  
冷神行揚翠旗天臨肅清警伊臣從下列逢恩信多幸康衢  
雖已泰慕方將安騁同上

三日華林園公宴

北齊 邢 邵

迴鑾自樂野弭蓋屬瑤池五丞接光景七友樹風儀芳春時  
欲遽覽物惜將移新萍已冒沼餘花尚滿枝草滋徑蕪沒林  
長山蔽虧芳筵羅玉俎激水漾金卮歌聲斷以續舞袖合還

離同上

奉報寄洛州

北周 庾 信

舟師會孟津甲子陣東隣雷轅驚戰鼓劍室動金神幕府風

雲氣軍門闕塞人長旂析鳥羽合甲抱犀鱗星芒一丈燄月  
暈七重輪黎陽水稍渌官渡柳應春無庸奉天睽驅傳牧南  
秦繁詞勞簡牘雜俗弊風塵上洛逢都尉商山見逸民留滯  
終南下唯當一史臣

開府集

隋

洛陽晚春

煬帝

洛陽春稍晚四望滿春暉楊葉行將暗桃花落未稀窺簷燕  
爭入穿林鳥亂飛唯當關塞者溽露方霑衣

詩紀

還京師

煬帝

東都禮儀舉西京冠蓋歸是月春之季花柳相依依雲蹕清



初發東都應詔

庾白直

二龍承玉軸萬騎翊林塘縱觀此何事巡駕幸淮揚伊雒山川轉江河道長照日秋原淨分花曲水香稻粱叨歲月羽翮仰恩光後塵歸舊里還如仙鶴翔

同上

唐

登北邙還望京洛

鄭世翼

步登北邙坂踟躕聊寫望宛洛盛皇居規模窮大壯三河分設險兩峭資巨防飛觀紫煙中層臺碧雲上青槐夾馳道迢

迢修且曠左右多第宅參差居將相清晨謁帝返車馬相追  
訪胥徒各異流文物紛殊狀囂塵暗天起簫管從風颺伊余  
孤且直生平獨淪喪山園有桂叢何爲坐惆悵

全唐詩

初到陸渾山莊

宋之問

授衣感窮節策馬凌伊關歸齊逸人趣日覺秋琴閑寒露衰  
北阜夕陽破東山浩歌步榛樾棲鳥隨我還

雨從箕山來

宋之問

雨從箕山來倏與飄風度晴明西峰日綠縵南溪樹此時客  
精廬幸蒙眞僧顧深入清淨理妙斷往來趣意得雨契如言

盡共忘揄觀花寂不動聞鳥懸可悟向夕聞天香淹留不能

去

陪羣公登箕山賦得羣字

宋之問

許山去已遠冥冥見幽墳世薄人不貴茲山唯白雲寧知三千歲復有堯爲君時佐激頽俗登箕挹清芬高節雖旦暮邈與洪崖羣

游陸渾南山自歇馬嶺到楓香林以詩代書荅李舍人

適

宋之問

晨登歇馬嶺遙望伏牛山孤出羣峰首熊熊元氣間太和亦崔嵬石扇橫閃倏細岑互攢倚浮巘競奔感白雲遙入懷青靄近可掬徒尋靈異跡周顧愜心目晨拂鳥路行暮投入煙

宿稷稻遠彌秀粟芋秋新熟石髓非一巖藥苗乃萬族問關  
踏雲雨繚繞緣水木西見高山芝南到楚鄉竹楚竹幽且深  
半雜楓香林浩歌清潭曲寄爾桃源心

奉使嵩山途經緱嶺

宋之問

侵星發洛城城中歌吹聲畢景至緱嶺嶺上煙霞生草樹饒  
野意山川多古情大隱德所薄歸來可退耕

使至嵩山尋杜四不遇慨然復傷田洗馬韓觀主因以  
題壁贈杜侯杜四

宋之問

洛橋瞻太室期子在雲煙歸來不相見孤賞美寒泉與君澗  
松石于茲二十年田公謝昭世韓子秘幽堦憶昔同攜手山

憐逝者非藥誤餐霞意可全爲余理還策相與事靈仙

以上本集

清明日龍門遊之

李嶠

晴曉國門通都門藹刑發紛紛洛陽道南望伊川闕衍漾乘  
和風清明送芬月林窺二山動水見千龕越羅袂罨楊絲香  
橈犯苔髮羣心行樂未唯恐流芳歇

全唐詩

寓居洛濱對雪憶謝二

駱賓王

旅思眇難裁衝飈恨易哀曠望洛川晚飄飄瑞雪來積彩明  
書幌流韻繞琴臺色奪迎仙羽花避犯霜梅謝庭賞方逸袁  
扉掩未開高人儻有訪興盡詎須回

本集

嵩嶽聞笙

劉希夷

月出嵩山東月明山益空山人愛清景散髮卧秋風風止夜  
何清獨夜草蟲鳴仙人不可見乘月近吹笙絳唇吸靈氣玉  
指調真聲真聲是何曲三山鸞鶴情昔去落塵俗願言聞此  
曲今來卧嵩岑何幸承幽音神仙樂吾事笙歌銘夙心

全唐詩

答洛陽主人

陳子昂

平生白雲志早愛赤松遊事親恨未立從宦此中州主人亦  
何問旅客非悠悠方謁明天子清宴奉良籌再取連城璧三  
陟平津侯不然拂衣去歸從海上鷗寧隨當代子傾側且沉

維三月癸丑河南富嘉謨卒予時寢疾於洛陽北里  
聞之投枕而起淚沾衽席匍匐於寢門之外病不  
能哭仰天而呼曰天乎天乎俾予曷所朋曷有律曷  
可得而見抑斯文也以存乎哀太常少卿徐公鄜州  
刺史尹公中書徐元二舍人兵部張郎中未嘗值  
我不歎于朝夫情悼之賦詩以寵亡也其詞曰

吾友適不死於戲社稷臣直祿非造利長懷大庇人乃通承  
明籍邁此敦祥春藥厲其可畏皇穹故匪仁疇昔與夫子孰  
云異天倫同病一相失茫茫不重陳子之文章在其殆尼父

新鼓興幹河岳貞詞毒鬼神可悲不可朽車轎沒荒榛聖主

賢爲寶吁茲大國貧

紀事云少微與嘉謨齊名並爲御史卧疾聞其亡號哭賦詩其詞莫不歎美旣

而病亟歎曰生死人之大分何恨焉然官職十分未作其一乃至是耶慷慨而終

晚渡伊水

韋述

悠悠涉伊水伊水清見石是時春向深兩岸草如積迢遞望  
洲嶼逶迤亘津陌新樹落疎紅遙原上深碧回瞻洛陽苑遽  
有長山隔煙霧猶辨家風塵已爲客登陟多異趣往來見行  
役雲起早已昏鳥飛日將夕光陰逝不借超然慕疇昔遠游  
亦何爲歸來存竹帛

全唐詩

奉送六舅歸陸渾

王維

伯舅吏淮泗卓魯方喟然悠哉自不競退耕東臯田條桑臘  
月下種杏春風前酌醴賦歸去共知陶令賢

右丞集



古人已不見喬木竟誰過寂寞首陽山白雲空復多蒼苔歸  
地骨皓首采薇歌畢命無怨色成仁其若何我來入遺廟時  
候微清和落日弔山鬼回風吹女蘿石崖向西豁引領望黃  
河千里一飛鳥孤光東逝波驅車層城路惆悵此巖阿

本集

至嵩陽觀觀卽天皇故宅

儲光羲

真人上清室乃在中峰前花霧生玉井霓裳畫列仙念茲  
故宇多此地新泉松栢有清陰薜蘿亦自妍一聞步虛子又  
話逍遙篇忽若在雲漢風中意泠然

鞏城南河作寄徐三景輝

儲光羲

初年雨候遲鞏洛河流小搖搖芳草岍屢見春山曉清露洗

雲林輕波戲魚鳥唯言故人遠不念鄉川眇舟楫去濛迴湍  
激行奔峭寄書千里路莫道南鴻少

鞏城東莊道中作

儲光義

北陵散寒鳥西山照初日婉孌晉陽京踟躕野人室南軒草  
間去後乘林中出靄靄長路暖遲遲挾路歸蟬螿時蔽月枳  
棘復傷衣城上東風起河邊早雁飛夏王紀冬令殷人乃正  
月涯口度新雲山陰留故雪幸逢耆耄話餘待親隣別總轡  
出叢薄歇鞍登峻隅春源旣蕩漭伏戰亦睚盱未獲遵平道

徒言信薄夫

以上  
本集

緱氏尉沈興宗置酒南谿留贈

王昌齡

林色與溪古深篁引幽翠山尊在漁舟棹月情已醉始策清  
源口壑絕人境異春泉滴空崖萌草折陰地久之風榛寂遠  
聞樵聲至海雁時獨飛永然滄洲意古時青冥客滅跡淪一  
尉吾子躊躇心豈其紛埃事嶽峯信所剋濟北余乃遂齊物  
意已會息肩理猶未卷舒形性表脫畧賢哲議仲月期角巾

飯僧嵩陽寺

本集

洛陽尉劉晏與府縣諸公茶集天宮寺 王昌齡

良友呼我宿月明懸天宮道安風塵外灑掃青林中削去府  
縣理豁然神機空自從三湘還始得今夕同舊居太行北遠  
宦滄溟東各有四方事白雲處處通

同上

龍門八詠

劉長卿

秋山日掃落秋水急波瀾獨見魚龍氣長令煙雨寒誰窮造化力空向兩岸看山

山葉傍崖赤千峰秋色多夜泉發清響寒渚生微波稍見沙

上月歸人爭渡河

水東渡

寂寞對伊水經行長未還東流自朝暮千載空雲山誰見白

鷗鳥無心洲渚間

福公塔

松路向精舍花龕歸老僧閑雲隨錫杖落日低金繩人夜翠

微裏千峰明一燈

遠公龕

隱隱見花閣隔河映青林水田火寫下山寺夜鐘聲及暮

動息風泉清道心

石樓

誰識往來意孤雲長自閑風寒未渡水日暮更看山木落衆

峰出龍宮蒼翠間

山下

伊水搖鏡光纖鱗如不隔千龕道傍古十鳥沙上白何事還

山雲能留向城客

水西渡

日暮下山來千山暮鐘發不知波上棹還弄山中月伊水連

白雲東南遠明滅

水渡

潁陽東溪懷古

崔曙

靈溪氛霧歇皎鏡清心顏空色不映水秋聲多在山世人久  
疎曠萬物皆自閑白鷺寒更浴孤雲晴未還昔時讓王者此

地閉元關無以躡高步淒涼岑壑間

全唐詩

聞風有寄灑翰遙贈

李白

二室凌青天三花含紫煙中有蓬海客宛疑麻姑仙道在喧  
莫染跡高想已綿時餐金鷲藥屢讀青苔篇八極恣遊憇九  
垓長周旋下瓢酌潁水舞鶴來伊川還歸空山上獨拂秋霞  
眠蘿月挂朝鏡松風鳴夜弦潛光隱嵩嶽鍊魄棲雲幄霓裳  
何飄飄風吹轉縣邈願同西王母下顧東方朔紫書儻可傳  
銘骨誓相學

秋夜宿龍門香山寺奉寄王方城十七丈奉國瑩上人  
從弟幼成令問

李白

朝發汝海東，暮棲龍門中。水寒夕波急，木落秋山空。望極九霄迴，賞幽萬壑通。目皓沙上月，心清松下風。玉斗橫網戶，銀河耿花宮。興在趣方逸，歡餘情未終。鳳鴛憶王子，虎溪懷遠公。桂枝坐蕭瑟，棣華不復同。流恨寄伊水，盈盈焉可窮。

送裴十八圖南歸嵩山二首

李白

何處可爲別，長安青綺門。胡姬招素手，延客醉金樽。臨當上马時，我獨與君言。風吹芳蘭折，日沒烏雀喧。舉手指飛鴻，此情難具論。同歸無蚤晚，潁水有清源。

君思潁水綠，忽復歸嵩峯。歸時莫洗耳，爲我洗其心。洗心得真情，洗耳徒買名。謝公終一起，相與濟蒼生。

送楊山人歸嵩山

李白

我有萬古宅嵩陽  
玉女峰長留一片月  
挂在東溪松爾去  
掇仙草  
菖蒲花紫茸  
歲晚或相訪  
青天騎白龍

送岑徵君歸鳴皋山

李白

岑公相門子雅望歸安石  
奕世皆夔龍  
中台竟三折  
至人達機兆  
高揖九州伯  
奈何天地間  
而作隱淪客  
貴道能全真  
潛輝卧幽鄰  
探元入窅默  
觀化游無垠  
光武有天下  
嚴陵爲故人  
雖登洛陽殿  
不屈巢由身  
余亦謝明主  
今稱偃蹇臣  
登高覽萬古  
思與廣成鄰  
蹈海寧受賞  
還山非問津  
西來一掃扇  
共拂元規塵



嵩山採菖蒲者

李白

神仙多古貌，雙耳下垂肩。  
嵩嶽逢漢武，疑是九疑仙。  
我來採菖蒲，服食可延年。  
言終忽不見，滅影入雲烟。  
喻帝竟莫悟，終歸茂陵田。

以上太白集

留別洛京親友

韋應物

握手出都門，駕言適京師。  
豈不懷舊廬，惆悵與子辭。  
麗日坐高閣，清觴醺華池。  
昨遊倏已過，後遇良未知。  
念結路方永，歲陰野無暉。  
單車我當前，暮雪子獨歸。  
臨流一相望，零淚忽沾衣。

答河南李士巽題香山寺

韋應物

洛都遊宦日少年攜手行投杯起芳席總轡振華纓關塞有  
佳氣巖開伊嶺攀林憇佛寺登高望都城蹉跎二十載世  
務各所營茲賞長在夢故人安得并前歲守九江恩詔赴咸  
京因塗再登歷山河屬晴明寂寞僧侶少蒼茫林木成牆宇  
或崩剝不見舊題名舊遊况存歿獨此淚交橫交橫誰與同  
書壁貽友生今茲守吳郡綿思方未平子復經陳迹一感我  
深情遠蒙惻愴篇中有金玉聲反覆終難答金玉尚爲輕

登高望洛城作

韋應物

高臺造雲端遐瞰周四垠雄都定鼎地勢據萬國尊河岳  
雲雨土圭酌乾坤舟通南越貢城背北印原帝宅夾清洛

霞捧朝暎葱龍瑤臺榭窳窳雙闕門十載構屯難兵戈若雲  
屯膏腴滿榛蕪比屋空毀垣聖主乃東眷俾賢拯元元熙熙  
居守化泛泛太府恩至損當受益苦寒必生溫平明四城開  
猶見市井喧坐感理亂迹永懷經濟言吾生自不達空鳥何  
翩翩天高水流遠日晏城郭昏裴回訖旦夕聊用寫憂煩

遊龍門香山泉

韋應物

山水本自佳遊人已忘慮碧泉更幽絕賞愛未能去潺湲寫  
幽磴繚繞帶嘉樹激轉忽殊流歸泓又同注羽觴自成翫永  
日亦延趣靈草有時香仙源不知處還當候圓月攜手重遊

寓

龍門遊眺

韋應物

鑿山導伊流中斷若天闢都門遙相望佳氣生朝夕素懷出  
塵意適有攜手客精舍遶層阿千龕鄰峭壁緣雲路猶緬憩  
澗鐘已寂花樹發煙華淙流散石脈長嘯招遠風臨潭漱金  
碧日落望都城人間何役役

洛都遊寓

韋應物

東風日已和元化亮無私草木同時植生條有高卑罷官守  
闌廬豈不懷渴飢窮通非所干跼促當何爲佳辰幸可遊親  
友亦相追朝從華林宴暮返東城期接英出蘭臯翫月步川  
坻軒冕誠可慕所憂在繁維

再遊龍門懷舊侶

韋應物

兩山鬱相對，晨策方上干。靄靄眺都城，悠悠俯清瀾。邈矣二三子，茲焉屢遊盤。良時忽已周，獨往念前歡。好鳥始云至，衆芳亦未闌。遇物豈殊昔，慨傷自有端。

以上蘇州集

任洛陽丞請告

韋應物

方鑿不受圓，直木不爲輪。揆材各有用，反性生苦辛。折腰非吾事，飲水非吾貧。休告卧空館，養病絕囂塵。遊魚自成族，野鳥亦有羣。家園杜陵下，千歲心氛氲。天晴嵩山高，雪後河洛春。喬木猶未芳，百草日已新。著書復何爲，當去東臯耘。

同上

過緱山王處士黑石谷隱居

岑參

舊居緱山下偏識緱山雲處士久不還見雲如見君別來逾  
十秋兵馬日紛紛青谿開戰場黑谷屯行軍遂令巢由輩遠  
逐麋鹿羣獨有南澗水潺湲如昔聞

緱山西峰草堂作

岑參

結廬對中嶽青翠常在門遂耽水木興盡作漁樵言頃來闕  
章句但欲閒心魂日色隱空谷蟬聲喧暮村曩聞道士語  
見清淨源隱几閱吹葉乘秋眺歸根獨遊念求仲開徑招王  
孫片雨下南澗孤峰出東原棲遲慮益澹脫略道彌敦野靄  
晴拂枕客帆遙入軒尚平今何在此意誰與論佇立雲去盡

蒼蒼月開園

尋鞏縣南李處士別業

岑參

先生近南郭茅屋臨東川  
桑葉隱村戶蘆花映釣船  
有時著書暇盡日牕中眠  
且喜闌井近灌田同一泉

自潘陵尖還少室居止秋夕憑眺

岑參

草堂近少室夜靜聞風松  
月出潘陵尖照見十六峰  
九月山葉赤谿雲淡秋容  
火點伊陽村煙深嵩角鐘  
尚子不可見蔣生難再逢  
勝愜只自知佳趣爲誰濃  
昨詣山僧期上到天壇  
東向一望雷雨雲間見  
回龍夕與人羣疎轉愛邱壑  
中心澹水木會興幽魚鳥通  
稀微了自釋出處乃不同  
況本無宦情

誓將依道風

以上嘉州集

伊水門

樓頽

朝涉伊水門伊水入門流愜心乃成興澹然汎孤舟霏微傍  
青靄容與隨白鷗竹陰交前浦柳花媚中洲日落陰雲生彌  
覺茲路幽聊以恣所適此外知何求

全唐詩

遊龍門奉先寺

杜甫

已從招提遊夏宿招提境陰壑生虛籟月林散清影天闕象  
緯逼雲臥衣裘冷欲覺聞晨鐘令人發深省

新安吏

杜甫

客行新安道喧呼聞黥兵借問新安吏縣小更無丁府帖昨  
夜下次選中男行中男絕短小何以守王城肥男有母送瘦



男獨伶俚白水暮東流青山猶哭聲莫白使眼枯收汝淚縱  
橫眼枯卽見骨天地終無情我軍取相州日夕望其平豈意  
以難料歸軍星散營就糧近故壘練卒依舊京掘壕不到水  
牧馬役亦輕况乃王師順撫養甚分明送行勿泣血僕射如  
父兄

石壕吏

杜 甫

暮投石壕邨有吏夜捉人老翁踰墻走老婦出看門吏呼一  
何怒婦啼一何苦聽婦前致詞三男鄴城戍一男附書至二  
男新戰死存者且偷生死者長已矣室中更無人惟有乳下  
孫有孫母未去出入無完裙老嫗力雖衰請從吏夜歸急應

河陽役猶得備晨炊夜久語聲絕如聞泣幽咽天明登前途

獨與老翁別

以上工部集

早渡伊川見舊鄰作

錢起

鷓鴣鳴早霜秋水寒旅涉漁人昔鄰舍相見具舟楫出浦興  
未盡向山心更愜村落通白雲茅茨隱紅葉東臯滿時稼歸

客欣復業

全唐詩

送陸渾主簿趙宗儒之任

姚係

山中眇然意此意乃平生常日望鳴臯遙對洛陽城故人  
爲隱懷此若蓬瀛夕氣冒巖上晨流瀉岸明存亡區中事

響羽人情溪寂值援下雲歸聞鶴聲及茲春始暮花葛正

榮會有攜手日悠悠去無程

全唐詩

經理輪地

蔣 列

漢家張御史晉國綠珠樓時代邈已遠共謝洛陽秋洛陽大  
道遺舊地尚依然下馬獨太息擾擾城市喧時人欣綠珠詩  
滿金谷園千載埋輪地無人興一言正直死猶忌况乃未死  
前汨羅有翻浪恐是嫌屈原我聞太古水上與天相連如何  
一落地又作九曲泉萬古惟高步可以旌我賢

同上

題壽安南館

王 建

明蒙竹間亭天暖幽桂碧雲生四面山水接當階石濕樹浴  
鳥痕破苔卧鹿蹟不綠塵駕觸堪作商皓宅

同上

東都遇春

韓愈

少年氣真狂有意與春競行逢二三月九州花相映川原曉  
服鮮桃李晨妝靚荒乘不知疲醉死豈辭病飲噉惟所便文  
章倚豪橫爾來曾幾時白髮忽滿鏡舊遊喜乖張新輩足嘲  
評心腸一變化羞見時節盛得閑無所作貴欲辭視聽深居  
疑避仇默卧如當暝朝曦入牖來鳥喚昏不醒爲生鄙計算  
鹽米告屢罄坐疲都忘起冠側懶復正幸蒙東都官獲離機  
與穿乖慵遭傲僻漸染生弊性旣去焉能追有來猶莫騁有  
船魏丑池往往縱孤泳水容與天色此處皆綠淨岬樹共紛  
披渚牙相緯經懷歸苦不果卽事取幽迸貪求匪名利所得

亦已併悠悠度朝昏落落損季孟羣公一何賢上戴天子聖  
謀謨改禹績四面出雄勁轉輸非不勤稽逋有軍令在庭百  
執事奉職各祇敬我獨胡爲哉坐與億兆慶譬如籠中鳥仰  
給活性命爲詩告友生負愧終究竟

昌黎集

和樂天洛城春齊梁體八韻

劉禹錫

帝城宜春入遊人喜意長草生季倫谷心出莫愁坊斷雲發  
山色輕風漾水光樓前戲馬地樹下鬪雞場白頭自爲侶綠  
酒亦滿觴潘園觀種植謝聖閑池塘至閑似隱逸過老不悲  
傷相問焉功德銀黃遊故鄉

洛中早春贈樂天

劉禹錫

漠漠復靄靄半晴將半陰春來自何處無迹日以深韶嫩冰  
後木輕盈煙際林藤生欲有託柳弱不自任花意已含蓄鳥  
言尚沈吟期君當此時與我恣追尋翻愁爛熳後春暮却傷  
心

以上隨  
州集

嵩少

孟郊

沙彌舞袈裟走向躑躅飛閑步亦惺惺芳援相依依依墮塞春  
咽喉蜂蝶事光輝羣嬉且已晚孤引將何歸流艷去不息朝  
英亦疎微

旅次洛城東水亭

孟郊

水竹色相洗碧花動軒楹自然逍遙風蕩滌浮競情霜落葉

聲燥景寒人語清我來招隱亭衣上塵暫輕

訪嵩陽道士不遇

孟郊

一作聶夷中

先生五岳遊文焰藏金鼎日下鶴過時人間空落影常言一  
壘藥不隨生死境何當列禦寇去問仙人請

忽不貧喜盧仝書船歸洛

孟郊

貧孟忽不貧請~~孟~~孟何如盧仝歸洛船崔嵬但載書江湖清  
翻翻淮潮碧徐徐夜信爲朝信朝信良卷舒江淮君子水相  
送仁有餘我去官色衫肩經入君廬喃喃肩經郎言語傾琪  
琚琪琚鏗好詞鳥鵲躍庭除書船平安歸喜報鄉里閭我願  
拾遺柴巢經於空虛下免塵土侵上爲雲霞居日月更相鎖

道義分明儲不願空岩堯但願實工夫實空二理微分別相  
起予經書荒蕪多爲君勉勉鋤勉勉不敢專傳之方在諸

弔元魯山

孟郊

搏鷲有餘飽魯山長飢空豪人飫鮮肥魯山飯蒿蓬食名皆  
霸官食力乃堯農君子耻新態魯山與古終天璞本平一人  
巧生異同魯山不自割全璞竟沒躬

自剖多是非流濫將何歸奔競立詭節凌侮爭怪輝五常坐  
銷鑠萬類隨衰微以茲見魯山道蹇無所依

君子不自蹇魯山蹇有因苟含天地秀皆是天地身天地  
既甚魯山道莫伸天地氣不足魯山食更貧始知補元



須得賢人

賢人多自彊道理與俗乖細功不敢言遠韻方始諾萬物飽  
為餉萬人懷為懷一聲苟失所衆憾來桂排所以元魯山飢  
衰難與偕

遠階無近級造次不可升賢人潔腸胃寒日空澄凝血誓竟  
譌謬膏明易煎蒸以之驅魯山疎迹去莫乘

言從魯山宦盡化堯時心豺狼耻狂噬齒牙閉霜金競來闢  
田土相與畊欽岑當宵無關鎖竟歲饒歌吟善教復天術美  
詞非俗箴精微自然事觀聽不可尋因書魯山績庶合簫韶

書

蕭韶太平樂魯山不虛作千古若有知百年幸如昨誰能嗣  
教化以此洗浮薄君臣貴深遇天地有靈彙力運旣難難德  
符方合漠各位苟虛曠聲明自銷鑠禮法雖相救貞濃易糟  
粕哀哀元魯山畢竟誰能度

哀孟雲卿嵩陽荒居

孟郊

戚戚抱幽獨冥冥沈荒居不聞新歡笑但覩舊詩書藝業意  
彌苦耕山食無餘定交昔何在至戚今或疎薄俗易銷歇淳  
風難久舒秋蕪上空堂寒槿落枯渠薶草恐傷蕙搯衣自理  
鋤殘芳亦可餽遺秀誰忍除徘徊未能去爲爾涕漣如

弔盧殷

孟郊

唧唧復唧唧千古一月色新新復新新千古一花春卽風噫  
孟郊蒿秋葦廬殷北邙前後客相弔爲埃塵北邙棘針草淚  
根生苦辛煙火不自煖筋力早已貧幽薦一盃泣瀉之清洛  
濱添爲斷腸聲愁殺長別人

以上東野集

洛陽城外別皇甫湜

李賀

洛陽吹別風龍門起斷煙冬樹束生澀晚紫凝華天單身野  
霜上瘦馬飛蓬間凭軒一雙淚奉墜綠衣前

長吉集

洛下卜居

白居易

三年典郡歸所得非金帛天然二面兩片華亭鶴一隻飲啄供  
編架藳裏用茵席誠知是勞費其奈心愛惜遠從餘杭到

到洛陽陌下擔拂雲根開籠展霜翮貞姿不可雜高性宜其  
適遠就無塵坊仍求有水宅東南得幽境樹老寒泉碧池畔  
多竹陰門前少人迹未請中庶祿且脫雙駮易豈獨爲身謀  
安吾鶴與石

長鹿

洛中偶作

白居易

五年職翰林四年泣潯陽一年巴郡守半年南宮郎二年直  
綸閣三年刺史堂凡此十五載有詩千餘章境興周萬象土  
風備四方獨無洛中作能不心悵悵今爲春官長始來遊此  
鄉徘徊伊澗上睥睨嵩少傍遇物輒一詠一詠傾一觴筆下  
成釋憾卷中同補亡往往顧自哂眼昏鬢蒼蒼不知者將至

猶自放詩狂

同上

題裴晉公女几山刻石詩後

并序

白居易

裴侍中晉公出討淮西時過女几山下刻石題詩末句云待平賊壘報天子莫指仙山示武夫果如所言尅期平賊由是淮蔡迄今底寧殆二十年人安生業夫嗟歎不足則詠歌之故居易作詩二百言繼題公之篇末欲使采詩者修史者後之往來觀者知公之功德本末前後也

何處畫功業何處題詩篇麒麟高閣上女几小山前爾後多少時四朝二十年賊骨化爲土賊壘犁爲田一從賊壘平陳蔡民晏然騾軍成牛戶鬼火變人煙生子以嫁娶種桑亦絲絲皆云公之德欲報無由緣公今在何處守都鎮三川舊宅留承樂新居開集賢公今在何官被褒珥貂蟬戰袍破猶在

髀肉生欲圓襟懷轉蕭灑氣力轉精堅登山不拄杖上馬能  
掉鞭利澤浸入地福降自升天昔號天下將今稱地上仙勿  
追赤松遊勿拍洪崖肩商山有遺老可以奉周旋

同上

### 洛陽有愚叟

白居易

洛陽有愚叟白黑無分別浪迹雖似狂謀身亦不拙點檢盤  
中飯非精亦非糲點檢身上衣無餘亦無闕天時方得所不  
寒復不熱體氣正調和不飢仍不渴閒將酒壺出醉向人家  
歇野食或烹鮮寓眠多擁褐抱琴榮啓樂荷鍤劉伶達放眼  
看青山任頭生白髮不知天地內更得幾年活從此到終身

盡爲閒日月

同上

香山寺石樓潭夜浴

白居易

炎光晝方熾暑氣宵彌毒  
搖扇風甚微褰裳汗霖霖  
起向月下  
行來就潭中浴平石爲浴牀  
窪石爲浴斛綃巾薄露頂草  
屣輕乘足清涼詠而歸歸上石樓宿

同上

六年寒食洛下宴遊贈馮李二少尹  
白居易

豐年寒食節美景洛陽城  
三尹皆強健七日盡清明  
東郊蹋青草南園攀紫荆  
風折海榴豔露墜木蘭英  
假開春未老宴合日屢傾  
珠翠混花影管弦藏水聲  
佳會不易得良辰亦難  
并聽吟歌暫輟看舞杯  
徐行米價賤如土酒味  
濃於餽此時不盡醉但  
恐負平生殷勤二曹長  
各捧一銀觥

同上

金谷園

蘇拯

積金累作山山高小於址栽花比綠珠花落還相似徒有敵國富不能買東市徒有絕世容不能樓上死祇此上高樓何如在平地

龍門敬善寺有紅桂獨秀伊川嘗於江南諸山訪之莫致陳侍御知予所好因訪得數株移植郊園乃知敬善所有是蜀道萋草徒得嘉名因賦是詩 李德裕

昔聞紅桂枝獨秀龍門側越叟遺數株周人未嘗識平生愛此樹攀翫無由得君子知我心因之爲羽翼豈煩嘉客譽且就清陰息來自天姥岑長疑翠嵐色芬芳世所絕偃蹇枝漸



正瓊葉潤不凋珠英粲如織猶疑翡翠宿想待鷓鴣食寧止  
暫淹留終當更封植

四望樓

樓在洛陽東今廢秦時有  
賈公子賈虛每日宴其上

曹鄴

背上見樓影應合與山齊座上日已出城中未鳴雞無限燕  
趙女吹笙上金梯風起洛陽東香過洛陽西公子長夜醉不  
聞子規啼

復覩三鄉題處留贈

賈馳

壁古字未滅聲長響不絕蕙質本如雲松心應耐雪耿耿離  
幽谷悠悠望甌越杞婦哭夫時城崩無此說

以上全  
唐詩

宋

遊龍門分題十五首

歐陽修

躡蹻上高山探險慕幽賞初驚澗芳早忽望巖扉敞林窮路  
已迷但逐樵歌響

山上

行歌翠微裏共下山前路千峰返照外一鳥投巖去渡口晚

無人繫舸芳洲樹

山下

高灘復下灘風急刺舟難不及樓中客徘徊川上山又陽洲

渚葦難見白鷗翻

不樓

聞鐘渡寒水共步尋雲嶂還隨孤鳥下卻望層林上清梵遠

猶聞日暮空山響

上方閣

春谿漸生溜演漾迴舟小沙禽獨避人飛去青林杪

伊川泛舟

橫棧渡深澗披露採香薇  
樵歌雜梵響共向松林歸  
日落寒

山慘浮雲隨客衣

宿廣化寺

春巖瀑泉響夜久山已寂  
明月淨松林千峰同一色

自善提步月歸

廣化

寺

亂石瀉溪流跳波濺如雪  
往來川上人朝暮愁灘澗  
更待浮

雲散孤舟弄明月

入節灘

芳荃奠蘭酌共弔松林裏  
溪口望山椒但見浮雲起

白傳墳

野色混晴嵐蒼茫辨烟樹  
行人下山道猶向鄰門去

晚登菩提上方

古木卧山腰危根老磐石  
山中苦霜霰歲久無春色  
不如崑

下桂開花猶留客

山槎

巨石何亭亭孤生此巖側白雲與翠霧誰見琅玕色惟應山

鳥飛百轉時來息

石符

畫舫鳴兩槳日暮芳洲路泛泛風波鳥雙雙弄紋羽愛之欲

移舟漸近還飛去

鴛鴦

春水弄春沙蕩漾流不極笈笈苦難滿終日沙頭客向暮卷

空罾棹歌菱浦北

魚罾

日色弄晴川時時錦鱗躍輕飛若下鞦豈畏風灘惡人歸晚

渚靜獨傍漁舟落

魚鷹

答錢寺丞憶伊川

歐陽修

之子聞伊川伊川已春色綠芷雜芳浦青溪含白石山阿昔

留賞屐齒無遺迹惟有崑桂花留芳待歸客

寄題洛陽致政張少卿靜居堂

歐陽修

洛人皆種花花發有時闌君家獨種玉種玉產琅玕子弟守  
家法名聲聳朝端歲時歸拜慶閭里亦相歡西臺有道氣自  
少服靈丸春酒養眉壽童顏如渥丹清談不倦客妙思喜揮  
翰壯也已吏隱興餘方掛冠臨風想高誼懷祿愧盤桓

遊嵩十二首

歐陽修

路入石門見蒼蒼深靄間雲生石砌潤木老天風寒客來依

晚照徙倚聽山蟬

峻極寺

玉女不可邀蒼崖鬱岩直石乳滴空竇仰見次寥碧徙倚難

久留桂樹含春色

玉女窗

玉女搗仙衣夜下青松嶺山深風露寒月杵遙相應靈蹤杳

猗尋片石秋光瑩

玉女搗衣石

高步登天池靈源湛然吐俯窺不可見淵默神龍護靜夜天

籟寒宿客疑風雨

天池

望望不可到行行何屈盤一逕林杪出千巖雲下看烟嵐半

明滅落照在峰端

登太室中峰

繫馬青松陰躡屐蒼崖路驚鳥動林花空山答人語雲霞不

可攬直入冥冥霧

自峻極院步登太室

石徑方盤紆雙峰忽中斷呀豁青冥間畜泄烟雲亂杉蘿試

舉手自可階天漢

天門

烟霞夫門深靈泉吐巖側雲濕顯氣寒石老林腴碧長松暫

休坐一酌煩心滌

天門泉

二室對岩堯羣峰聳峭直雲隨高下起路轉參差碧春曉桂

叢深日下山烟白芝英已可茹悠然想泉石

二室道

昔聞王子晉把袂浮邱仙金駿於此墮吹笙不復還玉蹄無

跡久澗草但荒烟

拜馬澗

驅馬渡寒流斷澗橫荒堡槎危欲欹岸花落多依草擊波翫

游儵倒影看飛鳥留連愛芳杜漸下四峰照

公路澗

朝下黃蘆坂夕望箕山雲緬懷巢上客想彼巖中人弱歲慕

高節壯年嬰世紛  
漱流羨潁水振衣嗟洛塵  
空祠亂驚鳥山水含餘曛  
聊茲謝芝桂歸月及新春

獨樂園七詠

司馬光

吾愛董仲舒  
窮經守幽獨  
所居雖有園  
三年不遊目  
邪說遠去耳  
聖言飽充腹  
發策登漢庭  
百家始消伏

讀書堂

吾愛嚴子陵  
羊裘釣石瀨  
萬乘雖故人  
訪求失所在  
三旌豈非貴  
不足易其介  
柰何夸毗子  
斗祿窮百態

釣魚庵

吾愛韓伯休  
采藥賣都市  
有心安可欺  
所以價不二  
如何彼

女子已復知  
姓字驚逃入窮山  
深畏名爲累

採藥圃

吾愛陶淵明  
拂衣遂長往  
在手辭梁主  
命義半軍金  
快意君



豈忘居山神可養輕舉向千齡高風猶尚想

見臺

吾愛杜牧之氣調本高逸結亭侵水際揮弄消永日洗硯可

抄詩泛觴宜促膝莫取濯冠纓紅塵汙清質

弄水軒

吾愛王子猷借宅亦種竹一日不可無蕭灑常在目雪霜徒

白白柯葉不改綠殊勝石季倫珊瑚滿金谷

種竹齋

吾愛白樂天退身家履道釀酒酒初熟澆花花正好作詩邀

賓朋欄邊長醉倒至今傳畫圖風流稱九老

澆花亭

登封龐國博

元常字懋德

年三十八自云欲弃官隱嵩山作

吏隱庵於縣寺俾光賦詩

司馬光

懋德負長才全牛不足剗纔爲百里宰驥足殊未展齒髮方

盛彊趯尚已高遠結庵瞰二室志欲巢絕巘賢人心如雲無  
迹有舒卷不須驚俗目卓犖乃求顯既知吏可隱何必遺軒  
冕

龍門

司馬光

石樓臨晴空南眺出千里人憐山氣佳予歎禹功美想彼未  
鑿時極目皆洪水誰知耕桑民幸免魴與鯉

伊川

梅堯臣

山斷瀉伊流灘聲朝暮急東渡馬將登西隄人已立日看東  
西舟爭途如不及誰見捕魚郎寒蓑雨中濕

石樓

梅堯臣

山腰古石樓，杳靄石梯上。低窺巖際樹，對見龕中像。簷遮嵩  
雲飛，檻逼伊湍響。同遊已零落，歲月成俯仰。

河南張應之東齋

梅堯臣

昔我居此時，鑿池通竹圃。池清少游魚，林殘無棲羽。至今寒  
窻風靜送，枯荷雨歇吏人稀。知君獨吟苦。

河南王尉西齋

梅堯臣

官舍古城隅，西齋何寂寂。種竹幽趣深，開屏翠光滴。青山露  
南牆，落日明東壁。危臺起其傍，平隰坐可覲。歲暮野田空，天  
高霜隼擊。更憐風月時，幾弄林間笛。

新安錢學士以近詩見貺，短言敘悃。

梅堯臣

早事太尉府謬以才見論身作邑中吏日陪丞相尊嵩山雲  
外寺伊水渡頭村泉味入香茗松色開清樽題詩人半醉馬  
上景已昏歸來屬後乘冠蓋迎國門悠悠失貧賤冉冉歷涼  
溫而今處窮僻落莫思舊恩終日自鮮適終年長不言已覺  
人事寡惟聞雞犬喧東風有來信滿幅蘭與蓀深知故人意  
遺我滌冥煩一章言罨畫谿好如目存何須到雲壑便若游  
花源一一先造化可以輕瑤琨成誦今在口願將醒病魂

永叔內翰見索謝公游嵩書感歎希深師魯子聰幾道  
皆爲異物獨公與余二人在

梅堯臣

昔在洛陽時共游銅駝陌尋花不見人前代公侯宅深堂鎖

塵埃空壁鬪蜥蜴楸陰布  
苔綠野蔓纏石碧池魚有偷釣  
林鳥有巧射園隸見我來  
朱門暫開闢園婦見我還  
便掃車馬跡何以掃馬跡  
實亦畏他客我輩唯適情  
一葉未嘗摘他人或所至  
生菓不得惜又憶游嵩山  
勝趣無不索各具一壺酒  
各蠟一雙屐登危相扶牽  
遇平相笑噓石搗雲衣輕  
巖裂天窗窄上飲醒心泉  
高巔溜寒液下看峰半雨  
廣甸飛甘澤夜宿岳頂寺  
明月入戶白分吟露氣冷  
猛酌面易赤明朝循歸途  
兩脛痛若刺日旰就馬乘  
香草路迥阨却望峻極居  
已與天外隔薄暮投少林  
漱濯整冠幘禪觀巡幸僧  
指古定空壁誓將新詠章  
燈前互詆譏楊生護已短  
一字不肯易明年移

河陽簿書日堆積忽得謝公書大夸遊覽劇自嵩歷石堂薛  
花題洞額其文曰神清固非人筆畫乃知二公貴逆告意可  
蹟遂由龍門歸里堠環數驛我時詩已答或歌或辨責責我  
不喜僧性實未所獲凡今三十年纍塚拱松栢唯公與菲才  
同在不同昔昔日同少壯今且異肥瘠昔日同微祿今且異  
煇赫昔同騎破韉今控銀轡草昔同自謳歌今執樂指百死  
者誠可悲存者獨窮厄但比死者優貧存何所益

遊嵩十三首

梅堯臣

夕寢北窗下青山夢與尋相歡不異昔勝事却疑今風雨

林靜雲烟古寺深攬衣方有感還喜問來音

河陽秋夕夢  
永叔游嵩

山高路已窮，  
倏爾逢蘭若。  
落日老僧閒，  
支願古松下。  
緩步入

禪庭蒼苔但瀟灑

峻極寺

玉洞倚雲壁，  
天窗露微明。  
驂鸞去不返，  
啼鳥空相驚。  
萬木自

虧蔽，  
捫蘿空復情。

玉女牕

白石稱搗

衣搗衣人

不見雲纓自飄飄，  
巖樹長蔥蒨，  
猶應寒夜中

山月來鋪練

玉女搗衣石

安知最高頂，  
清淺水池開。  
有時片雲出，  
倏忽生風雷。  
誰羨雙

黃鵠刷羽來徘徊

天池

日夕望蒼崖，  
嶮嶮在天外。  
及來步其巔，  
下見河如帶。  
半

霧昏山根已滂沛

登太室中峰

稅駕綠巖前攀蘿不知倦人從樹杪來路向雲端轉忽覺在

烟霞回首峰嶺變

自峻極中院  
步登太室

古壁何蒼蒼穿雲玉梯出欵然起青冥却立觀少室前崑復

後峰陰晴狀非一

天門

冷冷雲外泉的的巖光入靜若仙鑑開寒疑玉龍蟄時應下

鹿羣印跡青苔濕

天門  
泉

曠哉嵩室陽神怪所棲宅蒼石不知年靈熊去無迹烟巖想

桂宮苔壁疑椒掖不學舜娥悲瀟湘竹枝碧

啓母  
石

車馬雲外來衣沾半山雨彌節扣真君捫蘿笑塵矩迴溪鄉

石松靈茹抽巖塢玉檻刻年華應無媿前古

天封  
觀



唐帝尖羣山千峰出天際方欣左右看屢改縈迴勢勝事與

誰同芬然有蘭蕙二室道

雲祠古殿深少室羣峰碧行雨欲隨車望巖非化石常聞蘭

氣三誥奠椒香液寄謝洛川如凌波定何益少姨廟

伏承留府太尉相公就敝居為耆年之會承命賦詩謹

錄上呈伏惟采覽按是會詩以類相從故不分體富弼年七十九

西洛古帝都衣冠走集地豈惟名利場驟為耆德會大尹吾

舊相曠懷輕富貴日與退老遊臺閣并省寺予慙最衰老亦

許頂其次遂欲省儀容爛益疑事獨驕訪精筆鮫綃布絕

藝今復崇宴衍聊以示林近銅駝荒弊仍湫底塞路

移君庖盈車載春醴獻酬互相趣觀處不知止商嶺有四翁  
晉林惟七子較我集諸賢盛衰何遠邇並事實可矜傳之爲  
千祀

耆英會詩

文彥博

年七十五

九老舊賢形繪事元豐今勝會昌春垂肩素髮皆時彥揮麈  
清談盡席珍染翰不停詩思健飛觴無算酒行頻蘭亭雅集  
誇修禊洛社英遊賞序賓白媿空疎陪几杖更容款密奉簪  
紳當筵尚齒尤多幸十二人中第二人

耆英會

席汝言

年七十七

繫國安危唐上宰功成身退漢留侯二公閑暇開高宴九老

雍容奉勝流共接雅歡恩意洽不矜崇貴禮容優賞心樂事  
人閒盛豈謂今稀古莫儔

壯歲塵埃祿事牽老歸重到舊林泉會無勲業書青史偶向  
康寧養老年自分杜門居陋巷敢期序齒預公筵更慙形穢  
才涼薄不稱圖真接鉅賢

耆英會

王尚恭

年七十六

端朝風望兩台星  
羣組參差又十人  
八百喬年餘總數  
一千熙運邁良辰  
席閒韻語皆非俗  
圖上形容盡得真  
勝事主盟開府盛  
讓容衰薄混清塵  
服許便衣更野逸  
坐從齒刻似天倫  
二公笑指增和氣  
夜久盤花旋發春

白注燭下盤花  
開公卽指目焉

河南通志  
卷之九十一  
耆英會

劉 几年七十五

司徒碩德今無比太尉殊勲固絕倫偶以暮年陪盛宴喜將  
白髮照青春八公有穢山空著四皓當衰心且伸元老相望  
疎迹在不應此會媿前人

制舉省元推二相龍頭昔日屬賓猷人閒盛事并遐算一席

幾盈九百籌 自注十二老共八百九十二歲

耆英會

馮行己 年七十五

書稱五福壽爲先有德人方得壽延自媿櫟樗非遠器誰應  
齒髮亦遐年立身官未三公貴推老各陪二相賢喜把衰容  
模梵宇慙無纖效勒燕然當時遭遇承陶冶今日光榮預燕

筵從此洛城增勝槩又新重作畫圖傳

耆英會

趙

丙

年七十五

新春開洛燕英髦主禮雍容下庶僚二相比肩官一品十人  
華髮事三朝星階並列瞻台曜尊酒時行挹斗杓東穎庸夫  
最無狀也將顏面趁嘉招

耆英會

王謹言

年七十三

相印貂冠粲六符華巔高會侍臣俱不將官職誇鄉里唯尚  
年齡入畫圖履道清歡追故事竚瞻陰德見詩謨叨陪几席  
眞榮觀珪璧叢中問珞球

耆英會

楚建中

年七十二

自顧頽齡七十餘久慙頑鈍費洪鑪歸逢大老者年會衰朽  
形骸媿畫圖

二相謨猷爛史編諸公才業過前賢好圖儀像傳來世何事  
頑疎亦比肩

耆英會

張

燾

年七十一

洛城今昔衣冠盛韓國園林景物全功在三朝尊二相數逾  
九老羣羣賢當時鄉社爲高會此日居留口款延多幸不才  
陪履舄更慙七十是新年

耆英會

王拱辰

年七十一

西都山水天下奇神嵩景室環清伊

自注上古太室山爲景室山

甫申聞

氣秀不絕生賢會聖昌明時衣冠占數盛文雅台符鄉月光  
離離魏京雄奧壓幽朔遊宮御府嚴天威膏田千里翳桑柘  
犀甲萬旅馴熊羆公當緩帶名三鎮懸赤繼軫承保釐追推  
契遇最深舊加復雍孟交旌麾仁皇一莊龍虎榜桂堂先後  
攀高枝宦遊出處五十載鸞臺驥路俱騰夷三公極位固遼  
隔五年以長猶肩隨公今復主鳳門鑰僕亦再撫銅臺圻二  
京相望阻河廣三徑不克陪遊嬉忽聞幹步踵門率投我十  
二耆英詩整冠肅貌諷章句若坐寶肆羅珠璣爲言白傅有  
高躅九君結社真可師欲令千載著風迹亟就僧館圖神姿  
詞宗端殿序篇目滂灑大筆何淋漓眷言履道靡克詘竟茲

近邑將營歸取云繪素得精筆願列霜壁如唐規退居舊相  
國元老十年還政渥之涯康寧富貴備五福靈寶盛氣如虹  
實昔年大對繼晁董登科賜第同一期

白注皆天聖八年

紫垣步武

既通接金沙里閑還鄰比探禪論道劇訓對摩軋太古窮天

機二賢勲業冠朝省爵齒官學誰依稀今將圖畫表來世詎

可下客聯纓綉既蒙月品定人物不敢循避違風期況承開

閣厚賓客富有景物佳園池銅駝坊西福善宅修竹萬箇籠

清漪天光臺高未百尺下眺林嶺如屏帷花王千品盡殊勝

風光繡畫三春暉六相街中潞公第碧瓦萬木煙參差左隅

廟室本經禮右閣宸翰尊星奎娑娑青鳳舞松栢煥爛素錦



薰醪醑石渠飛溜漱寒玉晝夜竿瑟鳴堦堦伊予陋宇治窮  
僻姑喜地廣爲環溪樓名多景可曠望臺號風月延清暉四  
時花藹不外假拏舟傲幘聊嬉怡懷歸撫事若飢渴恨無羽  
翼西南飛人生交舊貴倫輩情親意接心相知豈無耽秀負  
才蘊高談大笑拘禮儀洛中故事名義燕二毛第一年相推  
灑冠登仕荷天寵尊君報國當百爲旣嗟大壘盍知止納祿  
謝事皆所宜顧方北道倚煩劇未許解紱披荷衣長篇不令  
負花約自注公貽莫負  
花前約之句爲指風什歌式微如羹甘露爽心骨  
似柄玉塵親顏眉蘭叢雖未長羅宅菊英似亦思陶籬子山  
已著小園賦彥倫猶媿鍾山移聊攄短引謝招隱寫使猿鶴

常驚啼

耆英會

張問

年七十

槐庭二老樂堯仁盛集高年洛水濱華袞具瞻雖禮絕白頭  
序齒親清閑几席同禪院山野巾裘似隱淪尊酒椒香  
纔過節池塘草色已催春白公酣暢吟哦內衛武康強笑語  
頰豈獨丹青傳不朽潛欣風俗欲還淳芝田鶴戲調形健蓮  
葉龜遊納息勻商皓寂寥拘小隱漢疏局促止家人莫因氣  
貌疑丹竈自有光陰寄大椿復得兼謨爲重客自注同馬  
光未七十恐  
遺元爽在編民神仙可學今方信道術相忘久益真瀟灑交  
歡祝眉壽羣生五福託鴻鈞

遊嵩十一首

范仲淹

窈窕玉女牕想像玉女粧皎皎月爲鑑飄飄霓作裳莫學陽

臺夢無端惑楚王

玉女牕

但見巖前砧語聞月下杵金文與銀色璨璨知千古試問搗

衣仙何如補天女

玉女搗衣石

嶽頂見仙池神異安可度勿謂無波濤雲雷有時惡乘此澄

清問吾纓亦可濯

天池

嵩山最高處逸客徧登臨回看日月影正得天地心念此非

常游千載一披襟

登太室中峰

白雲隨人來翩翩疾如馬洪崖與浮邱襟袂安足把不來峻

極游何能小天下

自峻極中院  
步登太室

徘徊峻極寺清意滿烟霞好風從天來吹落桂樹花高高人

物外猶屬梵王家

峻極  
寺

天門絕境游熙然揖灑氣下顧莽蒼間雲雷走平地天威不  
遠人孰起欺天意

天門

天門有龍泉塵埃未嘗至日月自高照煙霞亦輝媚惟抱夷

齊心飲之可無媿

天門  
泉

太室何森聳少室欲飛動相對起雲霞恍如游仙夢何以寵

此行行歌降神頌

二室  
道

傳聞王子仙澗邊遺逸驥當時青雲路雞犬亦可致未必真

龍姓悠悠在平地

拜馬湖

嵩山發靈源北望洛陽注清流引河漢白氣橫雲霧英雄昔  
此地百萬會相拒近代無戰爭常人自來去

公路湖

登封縣宇觀少室

邵雍

天地始融結此山已高極翠峰擁旌幢巨石羅劒戟日出崖  
先紅雨餘嵐更碧安知無神仙其間久遁迹

遊山二首

邵雍

洛川多好山伊川多美竹遊旣各有時雖頻無倦目貪清非  
傷廉瀆幽不爲辱麋鹿不害人心無害麋鹿

二室多好峰三川多好雲看之不知倦和氣潛生神一慮若

動盪萬事從紛紜人言無事貴身爲無事人

天津橋晚步

邵雍

芝蓋久稀疎暮雲空塊北千年舊都城一片閒宮闕禁籞尙  
連延觚稜猶熾嶠橋勢橫雌霓隄形偃初月灑澗崖已深漢  
唐時未歇危亭獨坐人浪把興亡闕

以上擊壤集

陸渾樂遊

程頤

東郊漸微綠驅馬欣獨往舟縈野渡時水樂春山響身閑愛  
物外趣逸諧心賞歸路逐樵歌落日寒山上

獨樂園

蘇軾

青山在屋上流水在屋下中有五畝園花竹秀而野花香襲

杖履竹色侵盃罇酒樂餘春棋局消長夏洛陽名士多風  
俗猶爾雅先生卧不出冠蓋傾洛社雖云與衆樂中有獨樂  
者才全德不形所貴知我寡先生獨何事四海望陶冶兒童  
誦君實走卒知司馬持此欲安歸造物不我舍名聲逐我輩  
此病天所赧撫掌笑先生年來效啞啞

東坡集

同天隱少章遊嵩山懷元明

李彌遜

秦公我輩士早踏翰墨場  
言若投石十年猶枯囊苦欲泛  
江海有親在高堂牢落京華春門無一壺漿  
長鞭策瘦馬送我古道傍  
憐我值險艱赤心寫摧傷  
鏗鏘五字句勢與鵬鶚  
翔感此坐矯首星星鬢成蒼  
西風小搖落雨洗烟嵐光  
晚嶂

露孤秀野陰棲暗芳更攜鮑謝流履盡千巖霜搜竒得幽深  
訪古到森茫月落潭影空清吟殊未央緬懷紫芝字百憂繞  
迴腸三歎已晡食十起中夜牀雲埋長安日魂夢不敢曠茂  
苑富山水結廬余所嘗我欲放船下卜鄰俯滄浪耦耕種秫  
田共掃三徑荒頭白青山裏長歌樂歲觴

筠溪集

出長夏門

張耒

出郭心已清青山忽相對游人傍流水俯仰秀色內誰張蒼  
玉屏中斷神斧快清伊瀉其間銀漢曳天派參差樓觀出杳  
靄林麓邃巖聲答遠響水影弄空翠同遊得君子興與煙霞

會選勝雖自茲高懷已塵外

宛邱集



石樓

張耒

清溪若莽虬入鎖束其頸犇騰去莫脫擺掣恣驍猛嘈嘈戰  
風霆萬鼓助其勁聲驅石崖西氣抱晴日冷我來怯初登在  
視久乃定悠悠山川濶寸目羅萬景平生林野趣疎放謝鞅  
誓會期山月出一作嘯清夜永一作

金

雨後看竝玉所控諸峰

馮璧

竝玉如高人壁立九千仞一日不見之令人入生鄙吝春深木  
葉敷秀色益瀟灑結茅寄僧藍晴碧澗相趨老宿諸孫峰閣  
侍列韶亂連延晴一色枚數須諦認冥濛空翠間我亦疑未

信朝來雲氣昏埋沒瑜匿瑾如蒼梧政愁湘妃鬱思舜重陰  
俄解駁滌澗夕暉襯娟娟忽層出歷歷分遠近雲峰互吞吐  
千狀纔一瞬出奇如孫吳相降如廉藺如衆星拱辰如侯伯  
入覲接武如朋簪承迎如价債負固如吳楚爭長如齊晉怪  
詭如夷蠻駢羅貢琛贖窘感如擒獲繫纍將就繫如應龍神  
靈盤卧時奮迅如天駟超軼坳牧稅羈勒如雄對改容失筋  
駭疾震如猛士無譁攢槩俟嚴陣獨兩峰巍然魁傑儼崇峻  
光輔嶽柱天鬱爲中興鎮降牛申與甫周室償復振詩傳配  
嵩高百世磨不磷

同幣之再過會善有懷希顏

馮璧

寺原魏離宮十日來凡兩前與海卿偕齋莫少林往其時已  
薄暮諸勝不暇訪今同魏諸孫再到風烟上寺僧導升殿雄  
深蕭瞻仰柱礎門限砧追琢成大壯不見磨琢痕瑩滑明泐  
朗摩娑三歎息後世無此匠晚登西南亭碧玉對千丈如王  
宮天柱如太華仙掌留宿贊公房秀色夢餘想夜靜耿不眠  
泉溜琴筑響惜髯今不來聯詩共清賞

九日登少室絕頂同裕之

雷淵

閒居愛重九佳人重相過登高則節物少室鬱嵯峨迤邐謝  
塵土夷嶺出烟蘿歎如據鰲頭萬壑俯蜂窩浩浩跨積風瀾  
瀾渺長河日車展紅輪天宇凝蒼波指點數齊州如覺氛埃

多我無倚天劍有淚空滂沱驚鱗盼粵渚倦翼占危柯悔不  
與家來結茅老巖阿歸途聽老阮廣武意如何

玉華山同裕之

雷淵

洗耳頰川水瘞饑西山薇山川得佳客草木生光輝末路風  
披薄此道日已微相期千載事非君誰與歸

會善寺怪松

雷淵

物生自有常怪特物之病嗟嗟此老蒼怪怪生魁柄侏儒蹙  
舞股宿瘤擁腮頸蜿蜒蛟龍戲騰擲貔虎競鬚髯喜張磔意  
氣怒狂迸匠石求棟楹節目足譏評芻蕘急薪樵堅悍空盼  
靜言觀倚伏未易相吊慶雖遲時世用顧免斤斧橫陽秋

莫榮恠歲月何究竟盤盤曲則全挺挺獨也正小草悞掃迹  
伏神還守性儻隨天中景廣宇共麻映

以上中州集

### 箕山

元好問

幽林轉陰崖鳥道人迹絕許君棲隱地唯有太古雪人間黃  
屋貴物外祇自潔尙厭一瓢喧重負寧所屑降衷均義稟汨  
利忘智決得隴又望蜀有齊安用薛干戈幾蠻觸宇宙日流  
血魯連蹈東海夷叔采薇蕨至今陽城山衡華兩邱埳古人  
不可作百念肺肝熱浩歌北風前悠悠送孤月

### 穢山置酒

元好問

靈宮肅清曉細栢含古春人言王子喬鶴馭此上賓白雲山

海內所志 卷之九十八 七  
蒼蒼平田木欣欣登高覽元化浩蕩融心神西望洛陽城大  
路通平津行人細如蟻擾擾爭紅塵蓬萊風濤深鬢毛日夜  
新殷勤一杯酒媿爾雲間人

同希顏再登箕山

元好問

千年箕山祠蘿逕深以梢桂樹不復見禿籜餘秋篠盤盤盡  
絕頂石冢平木杪長風萬里來筋骸覺輕矯側身望岩竇解  
衣憇林表是時夏春交野色亂青縹川光乍明滅地脉互縈  
繞岡巒蟻垤出井邑蜂衙擾紅塵洛陽昏白雲太行曉元功  
信冥漠一覽疑可了悟彼東山人胸中魯宜小

少林

元好問

巖林入清深禪房坐蕭爽澄泉潔餘習高鳥喚長在我無元  
豹姿漫有紫霞想回首山中雲靈芝日應長

龍門雜詩二首

元好問

石樓繞清伊塵土天所限人言無僧久草滿不復剗灘聲激  
悲壯山意出高蹇當年香山老掛冠遂忘返高情留詩軸清  
話入禪版誰言海山去著散仍在眼溪寒不可涉倚杖西林  
晚

不見木庵師胸中滿泥塵西窗一握手大笑傾冠巾青山有  
佳招一游負因循老筇動高興萬景森前陳乾元先有期清  
伊亦知津細看潛溪樹高卧香山雲學詩二十年斲筆死不

神乞靈自少傳佳句儻能新  
遙遙洛陽城梅花千樹春  
山中有忙事寄謝城中人

李道人崧陽歸隱圖

元好問

北山范寬筆老瘦無妍姿  
南山小平遠澹若韋郎詩  
崧陽古仙邨佳處我所知  
長林連玉華細路入清微  
連延百餘家柴門水之滑  
桑麻蔽朝日雞犬通垣籬  
媿我出山來京塵滿山衣  
春風四十日夢與孤雲飛  
可笑李山人嗜好世所稀  
逢人覓詩句不恤怒與譏  
道人本無事何苦塵中爲  
京師不易居我癡君更癡  
山中酒應熟幾日是歸期

以上選  
山集



中嶽投龍簡

吳全節

皇慶二年歲在癸丑四月甲子詔元教張留孫醮大長春宮彌星芒騰雨澤也聖天子敬天愛民一誠之發其答如響禮成命元教吳全節太常卿李允中奉金龍玉節投諸嵩洞入山之初一雨適霽歲祀之際輕陰護涼作詩紀之

陽城天地中坤靈奠神嶽積翠千層霄元氣遠盤礴降神生  
申甫形勢控伊洛狝豺虎豹蹲偃蹇蛟龍躍猛士橫戈矛奇  
陣出幃幄簇簇羅旌旗巍巍聳臺閣玉鏡爲誰開金櫃爲誰  
鑰遠近列畫圖週遭峙郭郭萬狀不可名起伏互連絡皇皇  
聖帝居歷代重封爵老柏浮蒼烟古殿蝕丹巖天朝混華夏  
秩禮特優渥皇慶二載春宵肝軫民瘼有旨黜長春玉簡命

新琢詔臣走登封香幣致虔恪遠洞藏寶符獲旨降笙鶴三  
呼今復聞祥風度天樂小臣奉明祀三使陟雲臺箕山勝可  
家潁水清可濯遐想飲牛人高風動寥廓賜珎知何時分我  
雲半壑歌詩勒嵩珉用贊聖人作

元詩  
選

龍門

柳貫

一溪瓜蔓流渡者云可亂屢涉途已窮前臨波始漫巖巖龍  
門峽石破兩崖半沙浪深尺餘灣洄觸垠岸它山或澍雨湍  
漲輒廉悍頃刻漂車輪羈絡不能絆其源想非遠衆水自茲  
濫濟淺抑何艱慮盈疑及患峰陰轉亭午出險馬蹄散草際

且勿驅烟開望前館

待制  
集

洛陽陌

錢惟善

驅車洛陽陌周道何逶遲  
玉帛走侯甸金湯固城池  
潘令好桃李阮生多路岐  
銅駝卧荆棘索靖獨先知

洛陽道上次歐陽齊汲韻

揭祐民

中原七郡地氣厚風還淳  
天分澗瀍水路入河洛  
春聖賢所經營繩準相平均  
六合昔有隔一觀恨無因  
懷哉此盛區理者皆先民  
曾經龍虎啖重爲狼羊  
貧大若幹元化細物涵深  
仁一士行其間鞍馬猶遠  
巡解帶思古道題詩清路  
塵望迷黃河北欲度正愴  
神遺黎當道隅涕說青城  
瀆青城不可說

回首傷天津

以上元詩選

明

過黑石渡

程本立

却山障黃河洛水崩黑石方舟載車馬烟雨行人立我昔將  
王命北渡祠河伯茲來復輶傳觀者笑曾識聖君禹功齊神  
龜當復出

出洛陽城

程本立

輓輶上天津伊闕當我前連峰左右起奔走相後先古來五  
嶽內嵩高極中天儀刑正四表襟帶流三川河山固王室豈  
直金城堅漢業此中興周都竟東遷壯遊快一覽遺跡悲千

年頽垣舊誰築野蔓栖朝州以上  
蘇集

觀啓母石

李昌祺

夙負山水癖，苦乏幽討緣。幸茲崑與少，秀色當眼前。公餘陟峻岡，忽覩石一卷。特立四無鄰，觚稜不相聯。云是啓母身，化在郊墟壩。呼之乃擘裂，啓出仍完全。幻語本荒唐，叻見淮南篇。遐想覆載間，滄桑屢更遷。安知運代移，墜彼千仞巔。厥理誠可推，賢達固釋然。矢詩正妖譎，昧者庶或悛。後世有豪傑，爲我焚其篇。

明詩綜

端午日游少林寺

李昌祺

少林巖嶺曠，有路達蔥嶺。半生懷勝槩，老乃踐真境。緇流遠見逐，偏袒仍露頂。升高縱遐觀，頗覺癡緣屏。蒲風翻卷帙，艾

色侵衣領撥蔬僧具供飲騎童汲井自拈清淨香作禮燕古  
鼎超超昔神師願寂同溟滓而於片石上留此不滅影竺夏  
雖異轍皆貴能猛省寒巖許分坐禪定畢餘景

明詩  
綜

狄仁傑墓

厲仲彰

嗟嗟狄梁公曠世不易得所會非其時妖物御宸極天意實  
有在兢兢盡臣職逐子乃何心欲移唐社稷大統房陵還于  
焉運籌策隻手拓青天廟堂鎮柱石出入三十年功名昭簡  
冊下馬吊孤墳荒邱蔓荆棘感我一題詩悲風起蕭瑟

迪志

銅駝巷

劉咸

古巷乃隘陋猶說銅駝名想當炎漢日冶工鑄始成首山化

金波紫谿泄金精  
洪爐氣磅礴烈火  
光晶熒煽鞞神力  
助鉗椎鬼魄驚拱  
衛擊五雷呵護煩  
六丁狎獍異獸出  
繚繞長虹縈千年  
鎮厚土留茲洛陽  
城摩挲幾嘆息會  
見荆棘生山海有  
傾竭陵谷多變夏  
詩人重紀述感激  
激傷吾情茫茫付  
陳迹餘憤何由平

同上

安樂窩

胡謚

中州擅靈秀毓此  
諸鉅儒兩程師友  
間巍然我堯夫學  
術兼理數弄丸力  
恒餘飄飄長空雲  
吾心同卷舒茫茫  
鴻鈞化吾道同盈  
虛亦大石厓試斂  
焉退若愚睽茲天  
津側誅茅結爲廬  
豕鹿伴我游木石  
鄰我居興來發高  
吟擊壤聊自娛憑  
誰

問且答有樵還有漁觀物漫成篇經世賸著書冥搜極萬類  
天地窮終初猶嗟垂訓功乃與經籍俱累朝示崇報廟廷列  
聖徒曷繫邦人思專祠當里閭遺像儼如生精英曾何徂唯  
應伊洛水千古通泗洙

同上

### 龍門龕

齊之鸞

伊水出龍門疏鑿惟禹績溪縈匯澄潭雲斷劃絕壁泛舟巡  
南崖諸龕空翠滴遠疑穴陶復近聽境寥閭黃冠一人來導  
我縱幽覲何年驅鬼工深窟隱金狄頽然丈六身大小隨剝  
剔旁有鉦鼓鳴愚氓伺考擊自從拓跋來事佛轉成癖荒哉  
魏王泰孝誠空爾激不知文德賢坤美符帝錫天堂無則已



有則必登歷何事石上災千古不可滌無乃託親名志祈潛  
奪嫡欲爲生民主先被河神溺向使正儲位亦終貽伊感經  
行謾誅心期使來者惕

明詩  
綜

渡伊洛

喬宇

入山復出山上下盡坡坂人云行路難我悔見道晚嵩少去  
已遙伊洛來不遠二程軌轍存迷途會當返

白嶽  
集

渡伊洛次韻

薛蕙

夕陽入東浦白露滿秋坂孤鴻唳更悲芳草色已晚悠悠道  
路迨杳杳少遠寄語山中人旦夕吾將返

西原  
集

登鄂嶺望少室山

王堯弼

赤日登鄂嶺薰風自南來滌彼溽暑退吹我衣裳開我懷覺  
清灑我行實徘徊節彼少室山峰巒鬱崔嵬白雲鎖其巔若  
松盤其隈芙蓉接漢出罨畫倚天排不說神仙事雲霞亦奇  
哉平生愛山水此興詎能灰仰止意不盡日夕還登臺何如  
凌絕頂憑高瞰九垓

說高

登峯望

周夢暘

二祖巖旣竒鍊魔臺益矯石磴上盤雲曲逕羊腸連捫蘿陟  
其巔身入星辰表四壁勢削成巉巖礙飛鳥把盃囑遠天翻  
覽神州小黃河崑崙來經過細如沼亦有伊洛流茫茫一綫  
渺西華與東岱彷彿烟村杳中多白玉膏服之輕且裏清晨

如露溥飲此世絕少我志愛餐霞  
坐待天將曉

說嵩

游嵩山三首

區大相

名嶽宅中土生賢借竒巘圖爲風  
雨會地以揖讓顯崖崑雖  
峻極崗阜亦平衍憩麓果紆廻登  
崇更凌踐夙多遺世踪到  
此塵慮遺箕頰信高蹈陽城道未  
貶揆迹有紉伸忘懷任舒  
卷素風諒不遐幽意得所展欲去  
還復留低徊不能返

溥游吹笙嶺回憩擣衣石玉女不  
可遇青童似相識遺我一  
廂藥金膏和玉液服之容色改自然  
生羽翼體輕若黃鵠一  
舉凌八極願視讓王人累累塚上  
石天堯可齊年浮名竟何

得

三室麗中天，三花落雲外。遠勢浮河洛，穹標掩華岱。珍木自成陰，瑤草何曾溉。神膏沆漑霑，金沙碧潭碎。風從箕山來，思與逸駕會。天路杳難卽，霞街久蕪穢。獨見周王子，吹笙游鶴背。青宮生塵埃，紫房絕情愛。逍遙白雲間，欲歸迷所在。

海日集

箕山

高出

箕山於太室如岱有梁甫輔嶽並稱尊他山。追敢侮頰水源更清石流歷可數。所以讓王人洗耳臨其澗。一瓢棄罔唐飲牛愧巢父。後代鮮若儔。高風激千古。緬懷睠有遇。嗟哉不復覩。惟見波湛湛。雲氣朝如雨。褰裳行欲涉。身上慙圭組。孰云能廣覽。徒羨翩翩雨。茲意諒自解。來者將何補。

說嵩

遊廬巖

崔萬仞

青山含素氣，谷隱多真賢。聞昔盧徵君，結菴太室前。策馬尋幽踪，行行異山川。林木悅我目，流石契我偏。峩峩削峻壁，冷冷掛飛泉。萬事自陵谷，舊地列諸天。吾友稱靜者，歌吹列華筵。客遊不知疲，四座意悠然。感慨有餘情，含語俱未宣。我爲前致詞，興盡且言旋。廢興自有數，喧寂亦有緣。冉冉下夕陽，歸路聽潺湲。

說

崇福宮禱雨

李正

清曉戒徒御，禱雨謁道宮。焚香古像前，拜跪肅以恭。因之感興亡，華構久已空。尙有勅撰碑，狼籍蔓草中。慨想宋金盛，鑿

輿屢游從名臣領祠職列辟嚴辟容運往物隨改偉觀難再  
逢登臨睇烟霞頗愜眺望踪遲迴不能去樹杪來長風說

搗帛石

傅梅

嶽頂一片石瑩潔平如砧玉女夜搗帛山中聞杵音霞衣何  
用濯霓裳常如新天上無刀尺聲傳恐非真雒園稿

少陽河

傅梅

少陽峯下水宛轉流成河在山傳清瀨出山揚素波芳樹蔭  
華渚白鳥行青莎欣此滄浪處不聞孺子歌同上

游玉黃峽

傅梅

入山旭光迎出山明月迫山氣兩岸青一罅豁天白衆水滙

中流四望千層碧，遠煙含細浪，水天去咫尺，問津得漁郎。深  
入自決策，清湍滌茂林，冷然人境隔，閒雲時來往。每抱山中  
石，絕嶠立誰扶，斷崖疑鬼坼，雙屐數滯停。雨餘苔蘚積，始窺  
貪幽竒，久娛忘險窄，舍杖捫修蘿，縮縮驚魂魄。歸路已更深，  
官燭逢相逆，野人住巖阿，夕火照空壁，雞犬自成村，駭見城  
中客，感此厭塵喧，百念俱蕭瑟，所欽古真隱，終身樂山澤。  
赴洛留別華陽兄

皇甫濂

浮雲薄高山，崇朝去還結，遊子不憚煩，悠悠復徂轍，密親自  
茲曠，臨流何能發，衰林動遠風，寒江曷輕雪，遇物隆所悲，興  
愁頓難絕，無以赴洛人，懷哉但吟越。

明詩  
綜

面壁石

王士崧

折蘆浮渡江震旦揭真諦心非轉法輪義不立文字九年面  
壁人寂寂緣底事石中一片影叅取西來意

登封志

遊嵩山

畢懋康

振衣陟慕莽捫蘿登嶽堯靈崖隱想霧縈霓嶺摩穹霄泉聲灑  
飛瀑冷冷墮石橋涼燠異巖壑雨暘變昏朝結根比華岱幽  
邃逾中條遐矚發清曠溽暑生涼颺騁此物外觀聽彼雲中  
謠偃衽詎云遠浮邱猶可招

同上

北邙

張美含

行行上北邙山抱盤龍勢岡坡多崎嶇荆榛渺無際古塚何



鼎新塚無虛地洛陽千萬家喪車挽相繼紉翠轉長揚霜  
風雜鼓吹天暮不復晨原野愁雲蔽黃金積金谷難挽流光  
逝獨憐塵海客不道身如寄送葬還城郭營營起甲第達矣  
雍門周一言可垂涕

續通志

### 少林寺

頤絳

我教五乳峰奕奕少林寺海內昔橫流立功自隋季宏構類  
屢居天衣照金織清梵切雲霄禪燈晃蒼翠頗聞經律餘多  
亦諳武藝疆場有艱虞遣之并王事今者何寂寥聞矣成燕  
穢壞壁出游蜂空庭雉荒雉答言新令嚴括田任污吏增科  
及寺莊不問前朝賜山僧闕殮粥住守無一二百物有盛衰

回旋儻天意豈無材傑人發憤起頽廢寄語惠瑒流勉待秦

王至

亭林集

嵩高

傅作舟

名嶽如文人英華不可束秀旣與天齊富仍傲地獨覽者得  
其庸謬云窮奧曲亦猶儉腹子未能窺多蓄我生嵩山下煙  
霞看不足巾裁御砮蓮飯飽箕山粟媿遲太室緣於今始具  
樸思覓修月戶難逢素女屬樵夫狎石虎牧者騎田鹿是樹  
老鴻濛有石皆金玉雨過廿四峯峰出新沐遥望九節草  
遍尋不怒木宛聞盧君笑爾來何不速牀銚堪避亂漿醴勝  
求蘇煉師藥可就謨觴書可讀青童作役使玉女亦眷疾集

許高棲後繼者相往復勿用一錢買勝處卽清福何事塵宋  
顏終年苦趑趄聞之如解醒偕上中峰宿鷄犬出雲中夢與  
八仙逐曙紅俯下城點烟迷晚旭恍悟長生旨瑤闕懸心目  
邱壑語壯遊識者痛其俗試問筍輿客幾層及半麓能同伯  
壽踪莫羨向平歎薄言婚嫁畢萬古宅終卜通志

國朝

遊嵩嶽

楊思聖

乾坤結奧區灝氣宅靈元羣峰皆內向屹然成一尊混混烟  
嵐合終古白雲屯彷彿鬼神朝愴恍肅心魂對面少室開拱  
立如弟昆一栢自柯代縱橫盤地根冷冷天風吹似有聲響

吞下馬剔殘碑纏藤雜苔痕干戈頽金碧琳宮無一存怪石  
當路伏攫拏虎豹蹲鳴泉聒暗壁綠崖被蕙蕪的皜野花明  
鳥雀滿巖喧一僧峰頂來負擔行步奔暫竚詢所歷手指翠  
微焚策杖望絕巘飄渺隔天門我欲從之遊徙倚已黃昏

集

遊龍潭轉赴盧巖

王紫綬

兩歇據龍潭咫尺未能卽絕磴緬岩嶮仄梯倚翠律訪勝無  
戒心振步先僞匹前趾二分垂後趾嗟將失窈窕俯盤渦側  
下深不測仰陟脰莫回勇者寡定色紆道詣盧巖塗塗日猶  
匿徑峴屢回復川潦互奔溢朱華冒崇岡白雲被廣隰迅沈  
無恬鱗幽盎有靜翼禽木皆自矜聲態詎能悉坐石挹飛泉

形瘁神逾逸，鮮飈激珠紛。寒烟曳練直，始至晴雪霏。久憩而  
滯急，薄石空翠流。厚石濕翠集，蒼崖一以眺。翳翳日將入，乃  
悟造化工。山山致非一，廬巖日落明。龍潭日出黑，遐哉古人  
情。於此託家室，願害謝塵囂。結伴采芝朮，豈必向子平。而待

婚嫁畢

知咫  
堂集

雲溪觀

董篤行

背坐瀝水頭，面對龍門口。三井透天光，森若羅星斗。鐘磬響  
錚鏗，夕陽半在柳。深洞鎖寂寥，丹砂煉已久。嶺上多閒雲，時  
與白鶴偶。舉世重黃金，難易仙人守。仙去不還洞，中復何

有

舊  
志

廬巖觀瀑布

戚藩

天池伏流下玉液憑虛瀉千縷絲懸織萬斛珠紛射縱橫水  
雪澌碎訇雷雨咤斜飛蛟舞狂倒濺墨噴乍伏嵐浮澗底咽  
溜酸石罅泉聲過人聲霾夜同星夜高賢飽餐霞野魅驚退  
舍獨有優曇華對此無冬夏

通志

登太室

馮樾

杖策遵交岐驚言討壑廓屯雲按遙岑餘暉澹穹壑密樹紛  
蔽虧流泉瀉叢薄遐踪愜幽蹊賞心適真漠探阻旣迴緬陟  
椒復巉削和禽媚春條惠風披花萼周覽倦層阿會景啟丹  
閣聿想緜山人風吹雨衣落眷志情彌深撫物採今昨翰飛

理空傳藉以脫塵縛

通志

望少室

施閏章

晨興出東郭秋霽開心顏高阜一回首爽翠飛巉岼三花信  
有無碧樹森琅玕前峰復中斷白雲時獨還巖戶深且阻峻  
坂何險艱逝將凌玉嶽騁轡追翔鸞延睇如藐姑綽約青霞  
端

登太室中峰

施閏章

壯士貪名山如海吞百川東遊臥日觀羲和親比肩南使經  
衡嶽霧雨悵遷延近思太華頂遠夢崑崙巔嵩高在霄曉振  
策窮攀線詰曲蛇逕緬幽陰熊館穿冉冉極天際舉頭燭星

廳宅中環四獄一氣何盤旋風雨鬱交會蛟龍走連蜷樹杪  
忽橫練坐見黃河懸窈窕擣衣石淩清玉池泉引領眺箕頰  
巢許方陶然辛苦茂陵客壇時飛荒烟有爲終滅沒瑶玉空  
雕鏤帝休昧珍木帝休木名服之使人  
人不怒見山海經石室闕誰傳長憐肉食  
者虛無求僊佐

嵩陽漢栢

施閏章

舊三株相傳漢武封三將軍大者圍三丈五尺次者  
三丈昔人謂在漢已封當是殷周時物丁未冬火其  
一矣怪時人無敬護者剝膚穿  
腹行就摧朽故作詩傳諸父老

海風折若木陰火炎崑崙天地幾反覆礪礪君獨存嵩高護  
勁幹河洛滋靈根聳立勢犄角鍊積藏踵跟彭亨腹臃腫攬



擎枝騰竊平岡溟鵬奮白晝蒼龍蹲韶濩時鏗憂日月爲吐  
吞漢武昔封禪雷殷萬乘喧維時盛宮觀金碧被邱樊上撐  
珠殿黑下蔭翠華翻天子動顏色錫封匪濫恩陵谷改朝暮  
連薨無寸垣數千年碩舊惟爾留中原前有開元碑屢矗立  
軒軒其辭出林甫穢瑣不足論典型爾獨古正氣司乾坤岱  
松大夫輩俯視成兒孫自非闕里檜不肯讓稱尊豚酒勤父  
老叫嘯求鸞猿其神長數丈建纛擁朱旛左手佩鉞斧右手  
垂纛韃出入衛中嶽自稱臣大藩古道日隕替瓦缶看璵璠  
我來肅長揖將軍向我言余已經百戰鎧甲攢瘢痕近曾決  
劉項建則從軒轅小人不解事矍然羣攀援刺膚肆剝剗受

悔心煩寃帝怒命祝融收一先燒燔吾儕逝當化蜿蜒升天  
關子頗識文字爲我紀混元杜韓不再出製筆誰飛鵠再拜  
陳荒辭風起黃雲昏

過箕山

施閩章

四嶽薦有鰥歷試徵厥德許山何如人揖讓乃孔亟沈洋漆  
圍語後世爭耳食荒墳終茫茫萬古誰能識潁水今清冷箕  
山多傲色擲瓢與洗耳音徽如可卽長嘯凌崇岡清風翔入  
極

石淙

施閩章

谿訝交礪底箏珥響林表誰使尋丈間彈絃開鑿巧水石相

盤紆眺聽忘昏曉清飛玉井寒綠割湘潭小始至賦噲吃靜  
對歸窈眇飲流睇猿挂劃沙見虎爪靈異漏水經境幽來跡  
少庶幾箕頰徒與共觀魚鳥

以上愚  
山集

嵩陽三栢漢封之其來莫紀

王 鑰

嵩陽有古栢歲月莫可度虬屈幾千年氣宇生寥廓傳曰漢  
所封或者得其略穆和章德厚體崇結盤錯大德必昌榮神  
鬼不能攫無乃自爲政廣澤乎文學嶽靈裕滋息天命爲骨  
格性情處所存俯仰而自若非散木之儔幸逃於斧鑿屯潛  
納風雷聲響擘幽壑陰陽庇以善盤基匪云薄上不巢暮鳩  
下當有大藥頡頏若昆季序次相錯落武帝加隆禮隆之以

圭爵萬世所瞻仰時見飛神爵閱盡古今人將以爲木鐸集

登香山九老閣

吳宗孟

崇朝麗雲物緬懷山谷幽解佩趨郊莽願言山澤遊蠟屐登  
絕巘碧苔斷碣搜所進境愈寂蕭然越林邱微雨過招提烟  
靄淡沉浮憑虛履高閣指顧臨滄洲二龍自今古觴咏逸興  
留新篁俯澗泉古栢列蒼蚪蓮社本非遥敢附樂天儔溯此  
清靜理漁焉消百憂通志

海棠峪

傅而師

陰陽自闔闢造物工顯晦此峪孕何年無人窺外內入峪被  
幽光肢體生煙靄風走曲徑長石根青冥大翳明日月黑鬪

方峰巒對層雲，開卦又一龍。陰澹灑撲面，樹老醜經心。烏細  
碎，帝殿占乾方。高蘿蒙戶外，雷公舍屋梁。電母閃旌旆，能施  
旱後雨。不竭花前瀨，是日空耳目。蒼天私我輩，邱壑胸已多。  
詭闕斯爲最，濕翠靜不凋。飛潛理無礙，欲別難爲別。廓然太  
始會。

枕烟亭集

偃師縣東三里王輔嗣墓下作

陳維崧

陸機昔入洛，夜行次偃師。我來經此地，正值寒冬時。蕭蕭王  
弼墓，窅窅晨風吹。

鞏雒道中書所見

陳維崧

鞏雒饒陂陲，水土互蟠結。抉幽布險勢，鑿孔露奇節。鍾廉積

厓巖怪竅囊帶塤屋民數百家伏處類巢穴村虛羃巘旣衡  
宇補凹凸批亢架榑漆擣虛置櫺槍玲瓏勝鬼工妥貼儼地  
設乃知般倖外別自有巧拙東南一土巘壁若昆刀切居者  
累彈丸縹緲詫竒絕重樓俯鳥道甕牖瞰蟻蛭盤旋萬螺紋  
雕鏤百蟲齧盡室頗淳熙聚廬復精潔噉咄雜童羣僮僕半  
耆董嬌女曉塗抹瘦妻解補綴春秋放雞豚早晚閉門闌我  
顧居者言此境堪咋舌一朝秋雨塌陵谷遭崩欲將毋愚公  
移或者龍火掣居者啼向我長跪對余說前朝昔喪亂賊  
起作孽秦隴跳銅脛楚豫潛草竊峩峨洛陽道千里大流血  
白晝舞獬豸黃天恣饕餮妻孥詭刀鋸骸骨供蠹蝨詎料寰

字清及見欃槍滅興亡祇轉瞬世事纔一瞥苟活幸至今枯  
苑何區別我聞吳越閭甲第金張列文椒塗不足更取都梁  
蕪此疑太暴殄翻恐致蹉跌何如此間人任運無曲折飽飯  
過殘年踏盡卮山雪

曉發洛陽

陳維崧

東風入潼關積雪映鞏雒垂鞭陟修坂浩歌進叢薄回望北  
嶺山昔賢不可作

以上湖  
海樓集

申嶽廟

潘耒

嵩山無旁支傑立勢雄特一舍遠見之蒼然太古色漸近出  
衆峰嵯峨不欹側峰前碧琉璃嶽神廟翼翼唐封制猶新漢

表闕未泐入門趨廣庭穹碑森崩劣交陰古栢青對立金人  
黑殿敞如玉居神尊分帝職嶽於天地間萬古有恒德端拱  
朝百靈屬民惟正直肯以萬歲呼滋彼驕主惑從官諂可嗤  
奉邑神豈食歷代侈褻封人爵非天則偉哉明高皇羣神號  
竝草嶽瀆用本名推崇此爲極興朝肅明禋春秋祀不忒大  
事必告虔丹青炳嚴飾方今苦旱暘焦原神所惻急爲鞭蛟  
龍甘霖救嘉稷更灑滋黃中淑靈厚培植篤生甫與申直道  
屏王國

嵩陽書院

潘耒

嵩山富巖谷域中稱奧區舊爲釋老擅基布開精廬太室一



書院孤懸久爲墟嵩陽今改築林泉占清疎地卽廢觀址人  
有先賢模當今耿先生洛下之醇儒強健謝簪紱躬修淑其  
徒買田構學舍勸士使羣居說說講禮讓濟濟談唐虞境方  
嶽麓勝覩與鹿洞俱哲人旣已沒斯路漸榛蕪堂館仍潔清  
寂寥絃誦虛珠官及梵宇久者千年餘人亡業不墜師弟如  
聯珠儒門何淡薄盛衰在須臾豈無敦龐士沿伊而溯洙庶  
其纘斯緒毋令獨流淤

盧巖

是唐盧  
鴻隱處

潘耒

唐有東漢風寵禮巖谷士盧君隱嵩山三詔強之起荷衣至  
金門長揖見天子豈真昧時宜欲以迂放耳諫議官不卑辭

之如脫屣優遊送還山進退有終始遠勝樊英流虛聲爲世  
恥揭來訪故居巖深路宛委空谷四無鄰山花爛紅紫峭壁  
如崩雲空懸瀑布水溪清鳴環石淨壘錦綺草堂依巖開  
占盡林壑美圖亡誌記存十勝可意擬俗流諒難居捨宅良  
有以如何田衣人苦饑復捨此寺荒無殿堂佛坐荆榛裏安  
得支遁流精廬重整理楊我長松根刷苓烹石髓

測景臺

潘耒

唐虞命羲和測候窮四表中邦獨闕如古制今莫曉周公營  
洛都土中乃推考陽城實地心天樞對臨照築臺奠坤維測  
日析分杪世遠制不湮崇墉可登眺土圭仍端完石尺更精

巧恐此本古規元公非意造周官與考工義疏需細討九閏  
既淪亡東周跡如掃獨此彝器存天球可同寶安得明歷人  
同遊洛南道洞窺古聖心豁眼對穹昊

箕山

潘耒

堯孟經世人汲汲稱舜禹莊列遺世人嚶嚶說巢許風尚雖  
不同意義各有取世風日澆漓名利相煎煮細或競錐刀大  
乃爭疆土達人教以讓樂貴等腐鼠巍巍黃屋尊辭之輕一  
羽息爭而養恬風世非小補夷齊與臧札傳記載楚楚何獨  
疑由光無人但空譖遺塚徵馬遷流傳自上古至德豈無鄰  
巢樊真逸侶洗耳及牽牛偁子聊和汝我來訪幽踪荒祠久

延佇巖高水清寒彷彿見脣宇世豈無逸民混迹漁樵伍龍

潛戢其鱗俗客焉得覩

以上遂初堂集

嵩陽觀漢栢二株六首

田 雯

一栢在觀前一栢在觀後我來坐披襟自朝取至酉老人上  
古槎又遇麗詹叟

其上有艾衲其下有菘菘知幾千百年未了嵩峯青吹笙上  
栢巔天風何泠泠

只似雞松肥耻同老檜癯綠淨不可唾日與風雨俱上有餐  
朮人結巢道額腴

腸脉怡我情塊然如帝江烟霞成痼疾峯巒復春撞尤棘皆

凡株無此龍鱗雙

窟高來靈祇見之應相揖栢顧不重即將軍有揖客可笑列

頭銜吾爲老栢惜

諺云漢封將軍栢猶之東岱大夫松也其事不經

何年有此栢映帶於此山雄辭山水經雕搜奚以刪安得麗

與郭補註於其間

古歡堂集

少室

葉封

少室如蓮花舒萼容四望周遭莽回互奇秀難此狀十步一  
易形懔怳眩方向杖策凌荒榛衝煙躋最上聳身浮雲表形  
超覺神王太室誠峇峩雁行詎多讓黃河繞衣帶明滅睇混  
漫東南紛異態鬱蒼輻羣嶂哀壑悄以深幽崖不舊仰勝繁

具此間天險觀殊壯歎息懷古蹤臨風浩歌放東巖雖已迷  
陳迹良可抗冷然披遐襟吾意亦寥曠

望嶽

景日吟

移榻得面山焯霞共昏且縹緲飛白雲遙青壑不斷似見謫  
仙人騎雲度石岸我欲往從之惜無凌風翰吟成梁父詞雲

影忽飛散

以上  
說嵩

香山泉上懷韋蘇州

湯右曾

韋郎昔著書暇從山水遊永日未能去愛茲泉上幽泉水至  
今碧漾漾寒藻浮靈液冬不枯煦若春和柔夕潭激彩翠散  
珠稠涵虛本同源潤物或殊流感此悟物理喟焉思前

脩臨池兩嘉樹樹老枝相樛攀修爲拉然斯人邈難求大海  
粟一顆終古貉一邱不知後視今感歎有此不

懷清  
堂集

### 遊陽巖

呂履恒

新安有陽巖者青要之一峯去邑五十里許人踪罕  
到石門東向朝暉揚彩其巖因以得名詳前經所紀  
茲山何所極來自青要巖岫帶鬼竇徑蹊相糾纏石色寒  
天宇清氣游其間想見鴻濛初高深理已然朝曦自東隅萬  
象生新鮮冥心獲所悅日夕不知還

### 過先文穆陶室

呂履恒

聖功世祿豈一寒何至此乃公屏其兒深愛成終始宛轉陶  
穴中大冶陰陽理文史三冬足聲名一朝起歷階極人臣烈

與周召比貧亦何負人天將試君子

以上夢月巖集

### 輾轅踏雪

焦欽寵

射策京洛還恰逢上元節燈月黯無光但見少室雪侵晨上  
粵嶺粵嶺白玉結冰花壑長林山高北風冽寒鴉凍不飛極  
目人蹤滅攀躋仗短筇俯視空一切萬籟寂無聲頓覺天地  
別翻身入畫圖心神兩澄澈

樗林詩存

### 黑石渡

劉青藜

朝發上東門夕抵黑石渡川原何逶迤崗嶺莽回互伊洛與  
瀍澗派別齊東赴滙流朝大河羣山夾北注側聞李郭儔當  
此



驚惜哉標榜威禍中黨錮羣小馬足尤諸公無乃固遂俾俾  
國一空災運以不祚我來千載不俯仰空自顧扣舷獨放歌  
伊人不可晤

嵩岳

劉青藜

五岳環坤軸維嵩踞天中巍然俯萬象元氣鬱鴻蒙嘗疑高  
匪天何物撐層空眇首一百盤呼吸信可通空室者突元旁  
晚敢爭雄何況嵒嶺葉羅列如兒童羣峰之於四瀕緘攢南  
東天池玉女憇風闌華中峯黃蓋張雲際下覆萬歲宮迤邐  
却北望峭壁削芙蓉忽驚銀河洛千丈飛白虹廬鴻渺何許  
碧巖尚留蹤惘然猛塗裹雲臥愧無從夢想九節蒲眼穿五

粒松何年婚嫁畢  
翩然駕茅龍

箕山

劉青藜

我行陽城道南望箕山聳古廟  
崎嶇亂石環孤塚夜來微雨過  
蒼翠挹岷嶺水鴨頭綠來流日  
溶溶俯仰有餘適行役迫塵冗  
緬懷岩中穴魂動汗彌滴甘瓜  
無高林自足忘守寵嗟彼終南  
山捷徑日相踵

以上高陽山人集

龍潭寺

顧嗣立

野雲蕩秋旻寒山入幽邃巖扉苔蘚滋  
中藏太古寺老栢經凌霄花露滋新淚  
小軒留清陰日華不到地九潭根虛無  
懸見羣龍睡殷殷聞輕雷孤雲向空墜  
碧峯顛氣凝踏縹緲趨避

思還當候明月，舉芳與翮翠。何須杯酒將澁澁，心已醉。

嵩陽書院

顧嗣立

絢維書院始本在崇福宮，其名曰太室。草創周世宗，景祐改嵩陽。經史綱帙充元明，歷兵燹，棟宇委棘叢。嘉靖乃移建，故趾仍天封。俎豆祀二程學者，曰漸隆逸菴耿宮詹。吾道干城功，買田費家貨。學舍開蒙茸，厥裁雖不廣。教育今無窮，天下書院四多與名山。逢獨北，秉清淑。正位居天中，潁水繞其南。講堂北背崧，左箕右少室。遠近青濛濛，漢柏鬼神護。石柱題韓公，穿碑壯巔巔。林甫名磨礪，古蹟觀不足。摩沙日下春，清時盛文連。萬國專書同，中原首風氣。華寶須兼通，研窮義理

細鍛鍊詞章工廊廟同淑世鄉黨亦潔躬山川產靈異人物  
多雍容長明孔孟學啟睿還披聾

崇福宮

顧嗣立

漢武老學仙方士請封禪空中萬歲聲峯下起臺殿真宗信  
天書製文親洗硯名賢司提舉御容五彩苑中有太乙泉嵌  
竇流一線宛轉引流觴時倚蘭亭宴山風飄急雨野花落如  
霰道流多菜色仙壇草生遍人無金石固勝地易遷變安得  
從浮邱鶴背俯芳甸

大法王寺

顧嗣立

回雲層巒亂澗滴踈響中藏避暑宮清景發遐想石砌荒

金蓮織草毒以長山僧自鼓鐘絕境無人賞孤峽撐青天幽  
鳥日來往小雨滌煩蹠不知秋氣爽何當候明月香臺一偃  
仰

嵩岳寺

顧嗣立

孤塔立空濛蕙龍影交積鳴玉流涓涓摳衣踏澗石初入神  
覺疲稍深意始釋初祖從西歸禪扉少行迹山花自開落不  
問紅與白玉座歇金聲靈籟涼城城閑日苦無多何用感今  
昔

會善寺

顧嗣立

箕山臨其前頰水流其下佛寺鑿翠開軒窗獨瀟灑龍泉迸

出滴瀝清池瀉風動白蓮花澹香消永夏老僧狀貌古愛  
靜言詞寡太室歷招提此地頗精雅森森門前松古色照四  
野歲寒老空山誰是賞心者

永泰寺

顧嗣立

公主乘雲去白雲滿空山松風吹秋月夜夜鳴珮環縹緲皇  
姑塔隱見非人間御砦滴嵐翠池荒草徑閑宵來小雨過飛  
鳥鳴關關

宿少林寺二首

顧嗣立

山游訪古剎荆棘苦蒙密入寺眼忽明當門拱少室老栢翠  
參天疎影漏斜日碑版多唐宋斑駁映玉質廣庭嵐氣襲單

衣驟凜慄何處發鐘聲涼颺助蕭瑟

初祖從西來選勝乃得此九季不回頭神在石壁裏岩岩五  
乳峰青蓮吐花蕊禪門承七祖宗支自茲始更有緊那羅金  
身狀奇詭卓立張空拳見客色有喜

龍門四首

顧嗣立

龍門壅地脈伊流激飛瀑巨刃忽雷硯鑿開混沌竅東西分  
兩巖古洞光窳窳佛髻擁千龕雕鏤必神肖中通水涓涓沙  
礫金碧耀憑闌玩回轉澆瀉卷行潦回望洛陽陌嵩邛遠繚  
繞隔寺指荒原風來樵牧笑

日高流禽下山光遠迎客舟橫四無人灑灑一水碧願懷羣

左司賞愛坐絕壁永日羽觴飛形神兩俱釋清吟見天真長  
嘯適其適依稀涉澗路無復往來迹言尋香山泉杖策掃苔  
石僂源不可窮佳游悵非昔

白傅愛香山老作香山主詩留香山藏骨壟香山土潤筆七  
十萬勝緣自修舉元相有夙因功德施佛祖雲泉結社會白  
髮聚儔侶一朝兜率歸風流散如雨茫茫菟裘地突兀寄宿  
菴俯瞰清伊水八灘橫別浦石樓舊風月瀟灑自千古

山僧歸古渡波面清陰多坐久不能去奈此秋光何空祠八  
九椽依傍青山阿野寺荒舊迹結構良非他詩人英靈聚千  
秋名不磨踵事須增華作者迴顏波俾與闕塞山禹功共差



峨瓣香在長慶敢憚重來過

以上秀野草堂集

陽巖

呂謙恒

草木初節解巒岫亦峯巖薄言遵幽塗相攜入寥廓崩石歎  
遠天飛流奔巨壑臨崖藉風力俯眺飛鴻落巖嶽自迴互石  
室時隱約松巖吐日月山麓被杜若遲回未終已歸路但冥

漠

青要集

杜工部故里

桑調元

青山入鞏洛秀色超塵寰鍾英產詩老悲歌成史編契稷輒  
自許高李空隨肩東郊傷瘦馬西川拜杜鵑我行敬草樹式  
此南瑤灣嗚呼斯人逝吟者無其賢

三田故里

桑調元

三田如荆樹本自懼同株如何中離異頓使連枝枯離者輒  
復合枯者仍榮敷遺風成雍墜足爲鄉里模曠林不相能常  
遣各一區歷山憂未解子田泣嗚嗚周公與管蔡零雨涕淚  
俱可堪粟布謠漢文心煩紆有生遇乖違飲痛無賢愚李樹  
代桃僵交讓同悲歔相輝良不易華萼愁蕭疎精誠感草木  
涕下沾衣襦

望宋陵作

桑調元

洛水春蕩涵邛山高崔嵬山水映終古人事多興衰陳橋黃  
袍擁鼎業東京開擊姦不破碎靖康釀奇災宋社旣南遷良

獄生蒿萊盤回七陵氣蕭瑟蒼山隈皇亭飛白燕舟覆無遺骸  
江東燐火冷鬼哭冬青哀升高睇珠邱潏泆隔風埃其誰  
腸木石不識昆明灰

轘轅

桑調元

飛雲過轘轅山蹊翠曲折溪澗滙湍淙春流鳴泱泱迤度縮  
嵩橋橫波卧雌蜺麥疇綠如染葱蘢藹可悅坦脩馳道通峭  
隘鏗嶒嶮沙平嶺口石滅古車轍來往遵夷爽無復巖關  
設惟瞻少室峯青山粲行列

少室峯

桑調元

崢嶸少室峯支分三十六晴暉遠聯綿層嵐青簇簇近愛王

子峰瑤艸藹豐縟石泉泄陰竇涓涓清可掬  
逶迤少陽源芝田遍滲漉氤氳嶽有神  
掩映雲成族冷翠少林飛穹圓鉢孟  
覆深院午鐘清春山萬重綠

會善寺

桑調元

紆經翠柏原幽詣清蓮宇清暉恰可中  
煖景不常午石竇噴龍泉香臺下  
鴿羽塔影照筠房雲氣生洞戶  
陰巖樹色寒廢竈烟痕古欲坐戒壇西  
長廊聽春雨

啟母石和韻

桑調元

吁嗟啟母石崑峩殆亦偶是物應星精  
寒光射珠斗氤氛連雲根淋漓襲氣母  
驚砮秋雨滴銳挾雷霆走狀類劈斧斲  
元

土無好醜緬惟開闢初儀象元黃剖大擘巨靈掌細脚精衛  
海枯爛不免金流爍亦朽此屹黃室間跡著延光後鴻烈  
齊諧志怪標談藪碑銘紛傳疑宇宙無不有

黃蓋峯

桑調元

東岱比中嵩黃蓋爲梁父凌霄峰勢獨裁青照神宇靈通山  
澤氣崇闢天地戶籠山霧作巾醴空雨如弩雲破青冥開風  
雨翠栢舞澹澹掃修嵐聯娟秀眉嫵

測景臺

桑調元

古臺聳崑崙土圭正日景入貢均六服中又遷九鷲苦荒石  
表敬雨霽天星冷深春芳氣濃娟月寒輝靚垣竹戛清聲階

河南府志 卷之六十一  
三  
桐散疎影升高睇烟嵐隱隱環嵩嶺

箕山

桑調元

箕山峻何極碧嵩讓岩堯許由聖之隱巢樊共超遙漠然視  
萬乘棄之如一瓢默存性貞固早激風顏澆禪元非所安古  
塚留嚴椒空山明月靜微風息煩囂

潁水

桑調元

一泓洄可憐春繞箕山足鱗鱗映白雲瀟瀟滋翠竹煖戲泳  
嵩沙輕浮追屬玉如聞洗耳人泝流牽我犢龍卧有青山蟬  
蛻無真屋澄波流至今高士見不數

以上嵩山集

遊中岳六首

胡波

應龍畫九有五岳蟠其根峻層太室聳獨冠天中尊肩輿扈  
舘歷險經輾轉嵐彩互閃爍巖谷交衍吞豁登神宮上俯  
覓扶桑瞰城野杳莫辨一氣春烟昏惟有濁河影綫曲承崑  
崙曠然渺六合直欲掀籠樊記得穴底虛乎圃開雙門俯盼  
極昏黑洞若壺蜂屯神書在何所渺茫難具論高卑顯異象  
妙道已默存

太室

峩峩天封宮瓊宇輝峻極穿樹披鴻濛已跨玉女脊渺然百  
頃池蒼茫擎孤壁嵐髓或下融石腹時旁吸源分天漢流不  
受衆溜滴僧言雁龍靈下枕明珠宅風雷晴薄人游窺戒喧  
咳舊刻徵紳奇請視廟榱榑照影作大笑吾性真湛寂觀水

與空等焉受龔蟲迫不如汲素綆淪此一泓碧日暮烟氣深

坐看空山色

中大

凌晨屏僕胥捫蘿結芒屨言尋緱氏山遂得清吹處少室當  
我心靈髻餘雙膺畫壁啼幽禽樵蹊露深樹山磬落滿厓髻  
鬢鶴墜羽浮邱伊何人能令枯骨舉所吹本非笙元氣調開  
釜簧管具袖添活丹妙子午下土目如豆第識鳴鳳譜嗟我  
學仙晚腦後漏未補俯眺廬陵墳但悲日月古何時期青童  
芒勝斲瑤薜

絳嶺

少室多精廬少林尤絕景寶鐸鳴天風蓮花交四映中庭雙

靈栢龍蛇蛻遺挺聖者去已遙幻相尚螺頂下有白髮僧晚



坐目正暝客至從定起徧引導諸境壁觀古洞黑皴波捲重  
溟蒼禮貝多香臺攀卓雪冷旁看儀鳳碑誇予髓撻脛伊子  
夙觀心有無旣平等形忘詎見腰石破曷在影衝瀑斷溪梁  
孤月在東嶺

少林寺

仙宮誇玉爨梵林輝寶燭不如草堂幽天然妙溪谷倒景凌  
天門雲淙暢遊目巖瀑逞鬼工散珠鬪奇玉白訝飛蠓昏青  
疑飲猿伏遙想授徒人金書此臥讀到處恒移時未忍遽前  
躡盤迴撫曲欄遺像儼脩竹堂館非故基銘剝亦難續惟餘  
金碧潭魚游仍淨綠石影誰狡獪雪濤皴細墨題詩和滌煩

翩然下鸞鵠

盧巖

雨歇伊水寒春梁負輕裏亂流望龍門白雪尙婀娜夾岍崖  
洞深竹栢交翠鎖誰悟化天身寶髻鏤粟顛山色妙清淨干  
相本一觀堪笑題名人妄見分彼我前峰忽陡傑梵閣竦磊  
砢一覽小中州千里收孤坐蕭森許由廬咫尺落襟左惜哉  
頰口深欲往時未可名山信有緣終期結勝果稍待秋林霜

更泛潛溪舸

千佛巖  
羅山莊集

逍遙谷

朱 楓

霜葉忽飛紅西風撼疎木蕭然澹客心逍遙此空谷仄徑石  
盤迴流泉聲斷續塵留霧半開嶺連天一握遐思焦鍊師潛

光學辟穀

石淙三首

朱楓

清音響淙淙，意想澗欲到。疾趨轉絕岸，方驚聞見好。騰空石  
森森，爭峽水浩浩。石激水潺湲，水奔石排冪。徘徊水石間，宛  
疑入蓬島。留連斯游，最津逮，悔不早。

石勢何龍嵒，杖屨各雄長。峰峰絕攀躋，屹立不相讓。突起立  
波中，扼此泉之吭。巖有如砥平，呼朋挈榼上。雙崖鬪崢嶸，石  
氣青益益。幽賞發長謠，情志故滌蕩。

關如崧，高水暢。茲平洛流振，竒一林石水勢寒。悠悠瀨淺若  
相媚，峽東奔趨稠。三峰屹砥立，激浪何其道。車轟雷震中，異  
蕭紛相投。晨夕水中央，羨此灘前鷗。以上排山集

